

下相維已為成憲近日贅設月差所隊長隊副名在各領身屬月差所名
賈亂而體統紊識者恠之幸罷月差所未久而更設三軍知事僉知為
三品衙門掌攝隊長隊副補充軍差發之任其餘六十防牌依元典仍
領於各領護軍故防牌及攝六十始歧而二之迨有防牌正役則三軍
鎮撫承兵曹行彩差發是三軍知事僉知亦不得與焉但據十司牒報
轉報甲士親病及到宿而已故煩而不切知事僉知護軍任率根隨至
於書負之輩私阿比護閑役者多不可枚舉然則徒有兵制之亂耳亦無
補於公也贅冗之弊臣於前日略陳請罷隊長隊副補充軍歸於本領
護軍將率之今兵曹不考元典制兵之意敢論六十差發遲緩之弊又
令三軍護軍依月差所例掌六十差發之任是雖罷三軍之名而實為
尚仍其舊臣恐差發失期之責復如前日矣且隊長隊副乃三軍甲士
之根本也其工役及通兒之職不得已之權宜耳已有戾於制兵之意
今依元典成憲防牌及攝六十並令各領護軍將率使知將卒之分以
為緩急之用如有工役兵曹奉旨進各領舉案照名點數即令徵聚如
臂動指隨一吏治之足矣無有失期臣昔承乏為承樞府經歷備詳其
任審知無有不濟者又無兵曹公文雖一隊副護軍不得擅發而為護

軍私役者亦令罪之則名實不亂而體統相維成憲不變而冗官庶無
矣臣之所見如此然於經濟元典續典騰錄俱有此法而體用不同其
從違取舍非敢執一伏候 上裁行上護軍實非中樞院堂上巴曾詳
定受教令中樞院監巡支持名分相違勢不穩當孟思誠等議掌衙
門國初稱義興三軍府中變爲承樞府未幾而爲三軍都摠制府有年
矣逮至壬子年降爲三品衙門每軍設知事一人僉知一人護軍一人
衙門雖降三品之黜則猶在今若革除則國初設三軍以統諸軍之意
自此派而無傳矣況士卒裁動之權鎮撫所掌之而聽兵曹指揮施行考
績之事三軍專掌歲抄通考傳報兵曹叙用今內禁衛別侍衛以下凡諸
軍士之考績姑置不論但以甲士考績之事論之續典騰錄甲士公座
簿護軍監銜條云三軍甲士公座簿各其領護軍於入座日監銜署署
有故則同司護軍若五領護軍皆有故則其司上大護軍監銜署署莊諸
公積每當月季其司上大護軍護軍同座五領甲士公座簿通考到宿之
數明白置簿又於四季月其軍知事僉知事與上大護軍一同考覈今
若革三軍知事僉知事則十司上大護軍護軍所摠十司甲士之到宿
無有通考而一定者矣又三軍知事僉知事已載於續典騰錄而更改

未便且攝六十補充軍分屬五十領則差發之際萬有稽緩有如兵曹所啓者而復立月差所之論不止矣臣等妄意宜仍舊制使三軍統十司十司統五十領而屬于兵曹則簡以制繁卑以聽尊體統相維而不紊矣且諺云前朝之制護軍相對亦有罰以其領軍者不可群聚故也今三軍同仕一所殊無意謂自今三軍衙門各設別處各專其軍之務知事僉知勿論文武揀選充差護軍亦宜仍舊差任凡千監巡諸事並令掌之隨其欠闕轉報施行鄭麟趾議竊觀十司衙前鮮少上大護軍各因他務懶於進仕殊不似東班各司攝六十補充軍不能檢察其於總攝差發之際反有稽緩果如兵曹所言知事僉知月差護軍之設損益一般不必革此而設彼臣以謂各領護軍者各率其領甲士防牌攝六十補充軍之職也宜仍舊差下上大護軍者臨時受命將軍之職也上大護軍及三軍親從依中朝制稱中軍總管院上護軍大護軍護軍左右軍倣此其三軍典吏及奴婢十司司吏並皆移屬以足使令凡三軍之事總攝檢察則體統相維而職掌總于一矣攝六十補充軍者有事則皆爲輜重卒徒矣當無事之時有役事則不可無總攝者乞於上大護軍三軍護軍中擇諳練可能幹事者每軍各二人受點爲掌務俾久

其任專委檢察并掌三軍公務何如如是則西班上大護軍凡朝衙聚會之際有官府尊嚴之地不如今日之殘亡至於行上護軍者亦有本司事多便益啓下兵曹兵曹啓三軍之號六典所載革去未便仍舊其號三軍所掌之任不過三軍軍士受暇到宿轉報行移及攝六十補充軍差役外無他事務今加設知事僉知以有數攝六十補充軍衙前使今廳直庫直根隨各自任意率領至於典吏書負者亦執攝六十補充軍名目每當及期差役之際托故相推各阿所私庇護閑遊者有之贅冗之弊莫此為甚且三軍五負雖稱爲朝士然無各品會仕衙門每當朝會之日聚於中樞院門外路上殊失西班朝士之儀甚爲未便今後革三軍知事僉知仍存護軍各給朝房使統其軍五負近仗依他護軍例行巡入直等事並皆爲之三軍所掌事目內事干甲士雜務十司直報本曹本曹亦直行移三軍受職內禁衛別侍衛五負近仗事干雜務三軍護軍各率其軍典吏奴婢爲之上項各衛軍士內前衙則依前例以中軍掌之如是則三軍無贅冗之弊五負有朝衙聚會之處體統分明矣且攝六十補充軍差役之任三軍護軍一人各領護軍一人擇舉受點稱爲三軍掌務所掌務護軍總執名目聽令於本曹差役則無

稽緩脫漏之弊行上大護軍監巡則乃中樞院堂上之任也而以他上大護軍例中樞院不願支持未便且以奴婢衙前鮮少各其衛支持尤爲勢難行上護軍監巡日則依中樞院堂上例以戶房錄事專掌支持從之○差通事辛伯溫管押被虜逃來唐人趙孫等四名解送遼東○三使臣欲私女妓都監啓納之翌日使臣等曰今後三日一次問安此乃不欲早起也○辛未右承旨李堅基問安于三使臣孟捏哥來使文儉告曰今後三日一次問安遂不見王武曰謝息使前日發程乎荅曰諾武曰待我等于何處乎荅曰但在大人指揮耳武曰於大處留待可也又曰婆猪江野入如有出來須要知會相見則彼人一以知我等辛苦之功一以知本國宰相往來之勞矣荅曰已令平安道邊將馳報又曰我輩回程日近雜物督令貿易○司憲掌令李壘啓曰朴趁除授史官有違邦典臣等具辭以請 殿下命原之朴趁義當逾差 上曰朴趁除授本非私意且終不可棄者也豈可以此蔽之壘啓曰六典萬世之法刊行未幾漸至於壞臣等以爲不可且朴趁逾差之請非所以蔽前程也後日改試還除則邦典未壞而趁之爲史官一也 上曰予當思之○壬申受常祭○癸酉受常祭○親傳朔祭香祝○以權聃同

知敦寧府事鄭麟趾藝文館提學姜壽吏曹參判尹璠戶曹參判許誠
禮曹參判皇甫仁兵曹參判朴安臣刑曹參判奉礪工曹參判沈道源
鄭淵李叔畝同知中樞院事洪理尹得洪朴信生李思儉元昌命
中樞院副使僕循吏曹參議金一起戶曹參議李孝仁禮曹參議李宣兵曹
參議許之惠刑曹參議許佃工曹參議盧龜祥金世敏裴屯金聽僉知
中樞院事成槩京樂都觀察使南智忠清道都觀察使使金益生忠清道
都節制使金孝誠忠清道處置使金孝貞慶尚道都觀察使曹備衡慶
尚道都節制使李澄石慶尚左道處置使柳江慶尚右道處置使閔審言
全羅道都觀察使洪師錫全羅道都節制使徐沉全羅道處置使金孟
成黃海道都觀察使李士寬江原道都觀察使金宗瑞咸吉道都觀察
使成達生咸吉道都節制使李叔疇平安道都觀察使李恪平安道都
節制使田時貴判義州牧事權復判江界都護府事○司憲府啓監察
趙忤朴昕朴慶孫洪漢梁峻李守良等例率根隨外各其月令各司奴
子稱爲使令任然率行監察李咸寧韓堅以有司獨舉房主趙忤其他
同儕匿不告舉既爲不公房主統領一房者也同坐一廳拿捉根隨問
其主所犯尤爲悖慢乞皆按律科罪遂皆罷職○除正朝冬至詔日三

大朝會各宗賀筭前此內殿堂率五教兩宗奉箋恭朝稱賀今除恭朝
故也○還給李澄玉科田○咸吉道都節制使馳報深處兀狄哈等聚
議曰休養馬匹冰凍後出來作賊已領當番留防軍一百五十名行兵
於鹿野歧北青軍馬二百名端川一百五十名吉州三百名鏡城一百
五十名令其官守令率領於要衝大路屯兵應變然安邊以北下番甲
士防牌等請率赴防 上令兩議政兵曹議之僉曰如今極寒之時上
項各官軍下番甲士防牌以不知虛實聲息聚會赴防則非唯往還有
弊有違以逸待勞之義吉州以北軍人內軍裝馬匹有實人不拘定數
率領防禦除草野屯兵入城固守待變 從之○十一月甲戌朔書雲
觀啓日食在夜停救食禮○遣宦官韓龍鳳分贈別膳于三使臣○前
此兵曹啓每年春秋講武必於鐵原等處故講武支待與京畿徭役並
皆浩煩鐵原移屬江原道忠清道竹山縣移屬京畿以減鐵原之弊何
如 上曰非獨此邑安峽亦在一隅且晝停支待弊亦不小並屬江原
道忠清道陰城縣移屬京畿全羅道礪山郡移屬忠清道何如其議于
兩議政黃喜等曰鐵原安峽本是江原道之邑移屬本道朝議已久而
鐵原安峽俱是各品科田折受之地以竹山軍資田可充兩邑科田之

數則但移竹山一縣可也若其不足則并移他邑可也礪山不必合屬於忠清道戶曹啓竹山軍資田可以充兩邑科田之數遂以鐵原安峽移屬江原道竹山移屬京畿○乙亥受常叅○振威縣令禹傳辭引見曰均賦役慎刑罰惠愛斯民○丙子視事○傳旨戶曹平安黃海兩道從仕京城受還上者居京之糧尚且難繼况其還納乎從其情願納於其道○兵曹判書崔士康啓曰每當營繕董役之官爭先啓曰役使防牌當用幾名如數充定營繕未畢又興他役其董役官亦曰當用防牌幾名防牌有限營繕不已難堪其役願自今須待一處營繕之畢然後更興他役則事功易成而軍人息省矣從之○丁丑都承旨安崇善問安于三使臣孟曰殿下遣醫命藥咳嗽差減前此奉使他方未有衾枕坐卧草地得此病耳王武曰無乃有婆猪野人出來先聲乎崇善荅曰時無若來則必見大人○上幸西郊觀放鷹○戊寅受常叅○春秋館承教旨擬議廣記事之條以啓一謹按元六典一款令京外大小衙門凡所施行之事可爲勸戒者明白開寫送于本館以憑記事永爲恒式厥後司憲府義禁府只將罪名啓本禮曹亦將變怪孝順等事往往輸送其餘各司皆不舉行甚爲未便有今申明舉行一六承旨左右

司諫議政府舍人書筵官二員八翰林等雖已掌記時事然吏曹進退人物兵曹職掌軍機禮曹典司禮樂經筵密侍帷幄司憲府糾察百官承文院職專事大宜令執義以下及郎廳中一人兼帶史官經筵官依書筵例使二員兼帶以廣記事一藝文春秋二館本爲一體且藝文直提學直館二員別無職事宜擇清直有文學者依式兼帶史官日坐本館九大小衙門供報文書常加點檢編次年月隨即撰錄國家禮樂刑政制度文爲見行事務關於大體者悉皆書之使無漏失依宋朝故事名之曰時政記以爲後日修史之用一臺諫上疏及臣僚上書言事令記事官錄呈以備記載一堂上官一人每月一次坐于本館時政記修撰勤慢嚴加檢察一凡本國出使人員其關國家軍民事體者依書狀官聞見事件例備書首末進呈本館以爲恒式令本館檢察一時政記但書見行之事而已爲史官者備記時事雖其職分然其見聞所及人物賢否得失與夫秘密等事務要詳悉直書私自截置以待收納一時政記一副每當曝曬年次依式藏之忠州史庫何如從之○刑曹啓私婢德珠殺人律該處絞從之○己卯御勤政殿受朝○宗貞盛使人來獻土宜○賜祭于卒知中樞院事權希達其教書曰君臣之間生則

篤於息義死則備其哀榮此古今之通義也惟卿系出名家才優武藝
爰自妙歲遇 聖祖於潛邸服勤行伍之間遂躋元從之列 太宗嗣
服擢居宿衛許以直臣身蒙寵眷之隆位至樞班之貴可謂累朝之舊
臣矣逮于寡躬陞甘爵秩蓋念卿之舊勞也頃者憐卿衰暮俾處于家
謂當怡養以保餘齡夫何一疾之嬰奄爾不淑計育之至良用惻然悼
陳厚奠用慰英魂嗚呼死生之際雖已隔於幽明吊恤之章亦何間
於存歿○庚辰遣宦官韓龍鳳贈食物于三使臣○癸未受常祭視事
○知隨川郡事林吉陽辭引見曰本道今年適值凶荒又因使臣徃還
民甚勞悴徃慎乃職除土木之役以恤民生○遣宦官金淳贈食物于
三使臣○甲申 上違和令世子率百官代行千秋賀禮又令世子代
設使臣餞宴先使都承旨安崇善徃說代餞事由於三使臣曰餞宴重
禮義當來慰然 殿下近患腰痛且肩背浮腫腰痛今已小愈浮腫則
未有增減似難屈伸今日千秋賀禮命世子代行又欲使 世子代設
餞宴深恐失禮使臣曰 殿下違和何煩動勞又曰 殿下未寧可得
更謁乎崇善荅曰 殿下病若小愈必見大人頭目金洪告崇善曰小
入元是本國人無補 殿下之德然予有一女須啓 殿下給花席一張

崇善啓花席不可給也給有紋席子何如 上曰何惜一張之席然今若給之一開其端後必援例請之者必煩弊將不資不給可也○戶曹啓禁絕流亡載在六典黃海道各官丐乞之人舉家流移深為不可宜當禁止今所在官賑貸不使飢餓 從之○乙酉左承旨辛引孫問安于三使臣使臣曰 殿下安否何如引孫曰 殿下之病今日小愈更加調理明日思欲來見使臣曰初以更不得見為恨欲詣 王宮明日得見則何喜如斯○三使臣使頭目等賚各色絲段十九匹紅羅一匹色絲四包以進曰冬至一年大節茲用迺手怕 上曰贈好禮物因違和不可以風未得出見吾將親謝仍命饋送遣都承旨安崇善僉知中樞院事金乙玄等賚麻布九十二匹回贈○命左承旨辛引孫往議于領議政黃喜之第曰今予違和未得出餞明日欲往太平館辭別令東宮代餞慕華館承旨等以為宜餞慕華館何如喜曰使臣若晚出則殿下於慕華館早行以待深恐冒寒更加失和宜於太平館送別○司憲掌令李壅啓曰讓寧大君之事明有 太宗遺訓召見宮掖臣等以為未安左副承旨尹炯曰事于讓寧毋得啓達已有傳旨壅乃退更進封章炯曰何事歟壅曰讓寧事也炯答之如上壅再請終不得啓乃退

○丙戌 上於勤政殿內行冬至望闕禮蓋 上違和不可以風故從
權特於此行禮仍除本朝賀禮○上力疾乘輦就見使臣于太平館三
使臣奉別于中門 王世子代設餞宴于慕華館百官祇送于道左○
掌令李壘啓曰自古臺諫之言不得不啓今我盛朝雖愚夫愚婦擊鼓
上言並令啓納臣以言官旣進封章又以言欲啓亦不啓達不無擁蔽
此意須啓達炯呼內豎金何開說何曰曾有傳旨何敢違教啓達壘再
三力請竟不得啓乃退○江原道監司李士寬進箋謝除嘉善○遣星
原君李正寧于留後司叅贊成拙于黃州唐城君洪海于平壤日城君
鄭孝全于安州中樞院副使柳漢于義州各賚內醞慰送使臣○戊子
以鄭孝文判義州牧事田時貴判安州牧事○己丑聖節使禮曹叅判
金益精奉表如京師 上率群臣拜表如儀并進海味及海青○傳旨
刑曹允諸犯罪沒爲公賤者父母妻子相離配役誠爲可恤自今並令
完聚一處○禮曹啓年十五歲以下十歲以上可爲女醫婢子忠清全
羅慶尚道則知官以上京畿江原黃海道則界首官依六典教訓識字
次次選上令詳定所議之僉曰允讀書必衣食足然後可也上項各道
凶歎尤甚各官姑停教訓以待後秋雖畢讀識字者亦待豐年選上從

之○庚寅幸東郊觀放鷹○傳旨兵曹今後經宿行幸外一日行幸時
特旨以除吹角○辛卯受常參○司憲府上疏曰讓寧大君提得罪於
君父非 殿下所得而私也 殿下特以友愛之情招致接見仍留數
日以違 太宗之遺教一國臣民罔不失望伏望 殿下亟命還第以
慰臣民之望幸甚不克○都承旨安崇善啓曰守令六期之法所以久
其任而除人民迎送之弊也近觀內侍茶房軍錄事等去官者或六月
除守令而歲末殿最居下或歲末除守令而六月殿最居下以此觀之
未見其久任之意臣以為天下雖大只有九州本國州郡之數三百二
十七郡以有限人才豈皆得龔黃之才乎其填差之際人才難得反見
數逆之患并合小小縣官擇人差遣庶見久任之意 上曰予當與大
臣議而定之然郡縣合并之事曾已舉行竟未見効不可行也○壬辰
受常參視事 上曰近來守令居殿者皆內侍茶房出身人也前朝之
季率以吏典去官參外秩卑者為守令故庸瑣不法 太祖爰念此弊
先革支縣定為州郡之額慎簡賢能以差遣之至於內侍茶房去官者
亦皆慎簡差任然殿最之際其在下列者皆內侍茶房去官之人是何
故也領議政黃喜啓曰內侍茶房不經庶務徒滿差年遽受臨民之職故

其弊如此上曰予嘗熟議處之○上曰以給鑄字匠人妻子月料重其事也遷延至今以為常例然百工尚多而鑄字匠人獨受妻子之料深為不可其考以啓○癸巳受常參○長鬚縣監趙良辭引見曰本縣濱海宜謹防禦且近因凶歉民生可慮惠養字恤○傳旨吏曹高麗之季郡縣猥多率以吏典去官外秩卑者差任守令庸瑣不法民受其弊自我祖宗開國以來首念此弊先革支縣定為州郡之額近年以來公革相因郡縣尚多人材難復或以成衆去官者選揀差遣曾未處事難堪其任未久見貶者尚多有之使考其數甲辰年以後成衆去官除拜守令者百有三十二人罷軟貶黜者十常八九非惟有違久任之意實煩迎送民之受病何異於前其救弊之方磨勘以聞○甲午御勤政殿受朝○江界節制使權復知載寧郡事尹臣叅等辭引見謂復曰卿離親遠行必有隱憂然予念江界境連彼土非他人所能當也且督力方強之時宜寄如此之任卿宜體此其施措之方卿何待予言謂臣叅曰黃海道今年凶歉宜加惠養撫恤○乙未受常參○丙申受常參視事上曰甲山等處建邑之事向者臣僚以為可也今府尹沈道源亦曰可建何如領議政黃喜啓曰甲山遠在邊境詳知者鮮少建邑便否難以

適度○都承旨安崇善啓曰宗親親迎儀母用綾羅綵帛只用土產紵布 上曰儉雖美德不可強行昔公孫弘之布被王莽之矯情非儉之自然者也宗親貴戚常服綵帛獨於親迎強服紵布其於情理何禮莫大於親迎故昔朱文公定士庶人婚禮用常所不服之衣冠以爲如此者重大婚之禮也且禮稱家之有無若宗室而於婚禮不用綵帛則是乃公孫弘王莽之儉耳但予心以爲官中衾枕已用紵布衾枕乃閨房之所設則於婚禮用紵布可也其與大臣熟議以啓○丁酉受常叅○龍仁縣監張義衿川縣監金浩等辭引見曰徃盡乃心撫恤斯民○咸吉道監司啓會寧寧北節制使軍官各十人孔州節制使軍官六人以爲定額其餘並皆除之亦除慶源吉州守令軍官以儲糧餉從之○戊戌受常叅視事○禮曹放慣習都監管絃盲人試才受職已曾立法然其中干係賤口者不得試才受職依諸色匠人賤口受職例於流品外雜職試才叙用從之○傳旨咸吉道監司會寧寧北孔州慶源鏡城吉州等官軍官已令減革本道各處節制使守令軍官可減處仍舊處與都安撫使都節制使同議以啓○頒賜三綱行實于宗親及臣僚又賜諸道○己亥御勤政殿受朝○野人李滿住使送人劉洪等來獻土宜

○庚子受常參○宗貞盛使人來獻土宜○辛丑傳旨咸吉道監司都
節使通事韓德生回自遼東曰鎮撫王永言海西羅郎哈使人言曰吾
等率近處蛇籠哈三百餘名今十一月十二月間欲向朝鮮國擄掠王
永之言未委虛實然謹慎固守以應其變○傳旨伴送使平安道監司
報兵曹曰遼東不送使臣迎逢軍杠子轉輸人契何以爲之若使臣言轉
輸之事當答曰 聖旨外物色轉輸古無其例若使臣強請則答曰遼
東入歸人名各有其任填寫差批朝廷所知其所持雜物載去於齊來
留養之馬若未盡輸一行護送軍人給價以輸可也以此牢辭以止之
國家之議慎勿漏說若使臣曰啓 殿下輸轉答曰無 聖旨無前例
之事不可終達其未輸杠子雖留置義州亦可也此意知會臨機爲之
○壬寅知珞山郡事金俞甫辭引見曰愛養斯民以盡其心○聘僧道
生米豆共三十石紙一百卷道生 中宮伯父是日 中宮將設宴舊
邸以餉母親女族皆會聞計乃罷○兵曹啓濟州體小有弩馬一千匹
未易涉海必致瘦弱且咸吉道入送恐不及於極熟之前其出陸半卯
者先送瘦弱者放于道陽串待其復蘇然後送于咸吉道從之○癸卯
遣奉常少尹李師孟于富平等處尋訪溫泉師孟爲人外若慷慨內實

狡黠雖由科目出身無儒者氣象○十二月甲辰朔兵曹啓同化道屬
加川菁好康福等驛移屬京畿左道忠清道察訪道重林道屬石谷盤
乳等驛移屬同化道 從之因京畿監司驛路救弊之策也○乙巳以
柳殷之田興爲中樞院使尹淮藝文館大提學李叔時刑曹參判權蹈
慶昌府尹金孟誠仁順府尹僕循同知中樞院事李宣吏曹參議盧龜
祥兵曹參議金世敏刑曹參議裴桓右司諫趙遂良司憲執義權自弘
右正言朴安臣平安道都觀察使許之惠黃海道觀察使崔府判廣州
牧使崔蠲判公州牧事李澄玉判會寧都護府事河漢寧北鎮僉節制
使○始立六曹參議承旨僉知中樞院事僉知彰寧府事集賢殿副提
學座目之法○傳旨吏曹武臣職掌折衝宜於強壯且武才錄所載選
揀經年有妨任用自今三年一次年少氣銳有武略將爲將帥者議政
府六曹判書都鎮撫同議錄各以聞○鶻鷗鳴于內城行解恠祭○吏
曹啓咸吉道 甲山郡依他道公邊官例稱鎮差下 從之○丁未司憲
掌令李壅啓曰前日以讓寧事進封章不即啓達當今之時固無有弊
恐將有後世之弊 上曰讓寧之事非止今日爾等已知予之不聽乃
何進言若茲乎且安有後世之弊乎又啓曰前漢江渡丞葛周與李繼

忠邊自中謀僞作繼忠外祖高純論妾子山甫不孝文契劾之不服宜
加拷鞠然周曾遭父喪方在衰麻之中考績刑典喪人犯罪論決條在喪
人犯罪者喪前所犯徒流以下之罪裁於喪後除十惡外依老疾人例
收績自願受罪者百日後施行在喪犯罪則固無丁憂之意依他例論
決未有推覈時訊問之節臣等願加拷問 上曰人在衰經之中方悲
哀哭泣施之笞杖固所不忍論決與拷問雖異其受鞭撻則一也周之
所爲雖甚不肖若因此人毀其美法誠爲不可○戊申視事 上曰書
雲觀測候之任非他人所堪當也宜以本業出身者差之近來銓注之
時或以他官充差能堪其任者率多適差誠爲不可自今不獲已以他
官填差則具辭而啓○鵠鷓鳴于勤政殿行解恠祭○戶曹啓濟州三
邑因旱凶歉無來歲之種請今年之租皆收以穀備來歲之種 從
之○戶曹啓金銀之價比前加重故謀利之徒盜竊不已相繼犯罪
銀價則已曾減數金價亦依此例每一錢十品價正布十匹九品九匹
八品八匹七品七匹各減二匹且如今豐儲倉軍資監儲備殆盡深可畏
也姑停買金今月初五日以前納金未受價者依前例給之三分之一
以來給之其二分以各司七八升縣布六七升麻布相准以給 從之

○平安道監司啓今當移粟若以一路移之則路傍各官人馬必困請
令與黃海道連境中和三登三和等官分道以輸從之○己酉御勤政殿
受朝○高倭宗金來獻土宜○庚戌司憲掌令李壅啓曰訟者朴有璵
以所訟外事詈辱大司憲盧閑執義趙遂良受賂遺聽請托閑與遂良
俱避嫌臣等以同列亦難推覈思欲避嫌上曰若以訟者謀毀之言
并劾官吏則後弊無窮閑與遂良並令避嫌餘勿避嫌按問有璵詈辱
情由以聞遂推覈以聞有狎所言皆虛構也○戶曹啓洪原縣合屬咸
興之時各司之貢并備以納今洪原別置守令自為一邑宜分定貢物
從之○濟州安撫使啓本州三邑俱失農業義倉雜穀及田稅不收者
過半且無救荒之物今考三邑人丁之數壯老弱共六萬三千四百七
十四名來乙卯年兩麥成熟閒米豆共三萬二千四百石漕轉分給然
後庶可救荒且有馬人及有銀器人民情願納官以陸地海邊陳米豆
漕轉給價令戶曹議之戶曹啓三邑人民不分壯弱貧窮限兩麥成
熟並給賑濟未便且壯者只以賑濟不得力農必矣老弱者給賑濟壯實
者給還上其米穀令監司酌量連續入送又令考其馬匹之數銀器斤
兩品秩啓聞後米豆量宜入送從之○辛亥相事○千秋使通事金自

安回自京師曰朴信生賚捧勅書三道而來其一求辦膳兒女其二求
海青其三黑龍江野人侵犯國境事也即命承政院選揀各司婢子年
二十歲以下○知喬桐縣事金厚辭引見曰京畿事劇往恤民生○別
中樞院事許稱上言曰臣氣質本弱年垂七十心神昏昧不記前後加以
宿疾增劇死難行履故前日仰陳卑懇願致職事未蒙俞允特命勿仕
安心治疾曲加保護 聖恩罔極臣非木石豈不知感然臣阮非宗戚
又無勲閥不仕受祿尤非臣心所安惶愧憂懼罔知所安再瀆 天聰
似涉不恭心切上聞敢陳所懷臣本以殘劣之資幸遭 聖朝偏蒙眷
顧位至極品寵榮踰分生成之德與天無極一息尚存庶竭駑鈍欲補
萬一寤寐耿耿安敢有知足保身之計只緣衰朽之年百病纏綿雖欲
龜勉艱於動作願得投閑全心調燮伏望 聖慈體乾坤之道推父母
之心特適臣職俾全治疾幸延數日之命長伸萬年之祝 上曰所言
至此予心尤以爲未安請卿勿以不仕受祿爲愧安心治疾稠謝曰儻
一息尚存何敢忘國只緣衰疾上書致仕未蒙俞允措躬無地○臨瀛
大君璆曾在安平大君瑢第得疾欲見 上上往見經宿而還○壬子
受常參視事輪對經筵○大司憲盧閑啓曰朴有狃以臣之賤息受賂

揚言訟庭非特臣心爲嫌物議必騰願令依司按問以快人心執義趙
遂良啓曰有璵以臣受漢原君趙璿之囑偏効於我然在他司一答一
救尚且謹慎况憲府耳目之官尤當謹慎且近來特降恤刑教旨臣等
何敢枉刑以加無辜乎有璵以此揚言願令依司痛効 上曰虛偽的
然勿疑就職再請不允○戶曹啓今使移黃海道義倉穀十萬餘石于
平安道賑救貧民臣等以爲平安道雖饑素儲倉穀百萬餘石足以救
今年之饑且黃海道又非稔而賑濟之民與平安道無異請減前數姑
移三萬石以備不虞從之○甲寅御勤政殿受朝○判安州牧事由時
貴知昆陽郡事金尚寧知朔寧郡事林得貴公州判官元自敦臨江縣
令李德平等辭引見謂時貴曰平安之民年前從軍之後加以今年禾
穀不登予甚軫慮卿其字恤以副予意謂尚寧等曰比年以來水旱相
仍民生可恤爾等體予至意常以恤民爲己任慎刑罰勸農桑○命大
護軍崔寶仁率諸司奴子聽殷阿里指揮捕鵝鷓○大提學尹淮等逐
日所撰資治通鑑訓義每夕入內 上親校謬誤或至夜分是日 上
請淮等曰近日因看此書乃知讀書有益聰明日增眠睡頓減也淮等
啓曰夜覽細書恐成眼疾 上曰卿等之言是矣予其小休○乙卯召

大司憲盧閑執義趙遂良等命毋嫌就職閑等啓曰憲府職掌彈劾雖小失我不可復仕况今有璵以臣等受人賄賂聽人請托揚言訟庭至等醜面復仕非特心有所嫌且恐物議上曰有璵姦惡予已知之且予讀通鑑訟者罵辱按問官吏使官吏就職罪其訟者正合此事况訟者以所訟外事或揚說勿聽科罪載在六典卿等勿疑就職閑乞免曰臣閑本無學識不合風憲之長常恐不勝其任今有璵以臣受賂於繼忠揚言訟庭將何面目復仕憲府乎罷臣職遂良曰臣本以殘劣之資以在風憲惶愧憂懼固知所措今罪人有璵謂臣聽從漢原君之言不加刑於繼忠徇於某等劾問已甚揚言訟庭臣若公正安有如此公然就職實愧臣心乞罷臣職皆不允○平安道監司朴安臣黃海道監司許之憲定山縣監金叔篋尼山縣監洪尚道等辭引見曰愛民恤刑○戶曹啓近年因各道凶歉豐儲廣興倉所納及供上各司田稅未充元數一年支調每貸於軍資緣此軍需日減誠為可慮條陳減省之策一六曹臺諫給常察後朝飯然徒費公廩而已除司憲府臺長以上外並皆減省一中樞院公廩田一百五十結司憲府司諫院義禁府各一百結尚衣院三百十五結軍器監五百九十結繕工監五十結共計一千

四百五結移屬豐儲倉一公邊守令家屬廩祿京中支給而每邑衙祿
經費仍舊未便位田所出准京中支給之數納于州倉一諸處監役官
吏三時供饋闕內赴役匠人三時料各減一時一宗學及諸處監上仁
壽府禮賓寺官吏除兩時供饋只給一時一除司贍署逐日點心只給
諱臺之日一逐月以軍資監陳米百石買銅鐵然本監所儲數少今姑
停之皆從之○上曰告畿內溫井出處者論賞良人則除職賤人則賜
布因其所告溫井品等賞之○丙辰日珥外淡白內淡黃○致書于平
安道都安撫察理使崔閔德曰甚苦暴露卿奉國忠勤宣勞中外以廟
堂重臣出鎮藩垣威敵鎮邊以紓予憂深用嘉之屬當嚴法之時宜慎
興居之節遣內官嚴自治錫宴以勞仍賜衣一襲至可領也指不多及
○傳旨刑曹年三十歲以下十二歲以上各司婢子嫁良夫所生女妓
所生補充軍姊妹大小人貧戶別婢子未成才女妓醫女外方各官京
居婢子並皆揀擇或有隱匿不見者其一族及切隣以教旨不從論罪
又以上項之意傳旨留後司以揀選辦膳婢子未盡善也○丁巳親傳
望祭香祝○戊午親享于 文昭殿 王世子亞獻○禮曹啟講肄官每
於歲抄考其月講分數多少居一等者加資漢學生居首一人叙用勸

勵依承文院例雖除清要之職亦兼本院職銜常仕肄業 從之○命鑿
楊根大難巖石○咸吉道都巡撫使沈道源啓曰自甲山至下無路口
子道路遙隔雖有賊變不及救援甲山郡三水以下居民一百三十七
戶正軍七十一戶元田一千四百二十五結於無路口子建邑置守鎮
撫邊民令議政府六曹議之判書申商等議姑依寧北鎮例置城邑遣
僉節制使防禦領議政黃喜等議三水以下無路之地自來未曾聞見
今據都巡撫使所啓置守便否遙度甚難然以所啓觀之其為地燒隘
堵薄不可以耕種非民可居之地又建邑置守則當充鄉吏役使之入
民必生厭且力有所不堪請三水以下割屬間延仍置口子排設木柵
每當冰凍之時令都節制使擇道內有武材公廉者率領居民防禦令
江界節制使檢察從喜等議○戶曹啓遺失女兒限其父母族親來尋
令濟用監豐儲倉支給衣食從之○司憲掌令金寧啓曰大司憲盧閑
執義趙遂良等雖已就職不參有珎之事 上曰勿嫌推劾○已未御
勤政殿受朝○李滿住使送王卜納蘇等五人來獻土宜○視事 上
謂左議政孟思誠等曰祿命之說雖不足信然盲人池和信生心專
此業最有功效欲除官爵何如思誠等曰前朝有添設檢校之職除拜此

類今既革之不可以盲人充差實職曠官廢事若有其功但賜少米可也。上曰此非小事予當更思。同福縣監郭德中辭引見曰愛民慎刑。○庚申以盧閑爲議政府贊成李順蒙判中樞院事李孟判漢城府事趙賚知敦寧府事奉礪戶曹參判尹璠工曹參判沈道源刑曹參判閔義生同知中樞院事李叔時大司憲裴屯兵曹參議。○辛酉禮安縣監宋繼商聞慶縣監全若衷萬頃縣令崔玉生山陰縣監柳宗貴安陰縣監金地老等辭引見曰守令近民之職非京官錢穀出納之比肆當除授每難其人既選汝等以送徃慎乃職予之引見欲其不忘告諭之意耳。今國家雖曰昇平民生艱窘汝等惠恤民生慎刑罰勸農桑。○上議于領議政黃喜等曰徃者府尹沈澄卒中宮令內膳寺致祭今者僧道生死中宮已行私祭然禮祭則有關依沈澄例致祭乎既爲道外人勿使致祭乎喜等啓曰辭親割愛旣爲道外人何必致祭從之。證中宮之叔父也。○賜檢校漢城少尹池和禪師信生各米豆共十石。○司憲府啓集賢殿應教金未以文昭殿大祝倒讀王后尊號上命改讀遂不改讀他處亦不分明開讀按律杖一百命減三等。○壬戌視事。○果川縣監李季疇開寧縣監金孟智永興判官崔興兩安州判官

公路等詳引見曰今方四境無虞然近因凶歉民不聊生體予至懷撫恤斯民且民窮則必煩獄訟當慎用刑○甲子 中宮乘輦備儀仗幸母親三韓國大夫人安氏之第各司一員隨駕御龍鳳幕次設宴 中宮向南大夫人向西大夫人坐榻稍高於 中宮坐榻諸宗婦分東西侍宴命饋戚屬大小人負於外西時還宮○傳旨兵曹濟州無知之民扭於盜殺牛馬屢犯罪畧差遣朝官刷出再犯者移于平安道異其自新其有親而無兄弟者停留時到各官覈實還送時未出陸者令濟州為差官分揀施行○乙丑視事○兵曹啓全羅道白也串牧場虎豹令順天府使兆陽鎮僉節制使各浦萬戶量率軍人捕獲其中先槍先射有能捕獲者計口賚職從之○丙寅鸛鷓鳴于東宮東北隅行解恠祭○丁卯千秋使朴信生賚擎勅書三道回自京師 上備儀仗率世子以下群臣幸慕華館迎勅如儀其一曰今得木蘭河等衛野人指揮兀苦里等奏近到刺里地面聞黑龍江七姓野人過松花江欲去侵犯朝鮮國朕以此賊謫詐未知虛實如何茲因王差來使臣回特諭王知王可戒飾守邊官負晝夜用心隄備毋致踈虞庶副朕意其二曰王先次所遣來製造饜羞婦女皆調和精美造辦便捷而作豆腐尤精妙後次

所遣來者雖佳然皆不及前者勅至王可更選巧慧婦女十數人令巧習製作饌羞及造豆腐之類悉皆精熟如前次所遣者待後遣中官到國中就帶來京其三曰中國地面炎熱雖有海青難以喂養王國中有海青可尋取差的當人進來以資朕暇時飛放之用仍令來人緣途好生照顧喂養毋致踈失○前左軍都控制朴齡本齡字浩夫慶尚道義昌人也累遷判司宰戶曹典書判通禮兵曹參議出爲江州鎮僉制制使江華府使江界節制使慶源朔州兵馬使洪州牧使黃海道都節制使兼判海州牧事時太宗及上幸于海州等處齡與監司李叔畝郊迎序於監司之下太宗曰齡何以在監司之下左右對曰監司雖嘉善是使臣也判牧事雖嘉靖是守令也上曰齡乃舊臣也賜坐監司之上賜御衣及還宮除資憲辛丑拜左軍都控制齡勤檢有武藝及卒停朝市一日致吊致賻謚襄靖甲冑有勞襄寬樂令從靖中宮亦遣使致吊賻黃燭十丁以其戚連也有三子曰弘幹弘信弘智○本朝使臣奉勅而回例設宴以慰之是日適以朴齡之卒停宴○戶曹啓今以講武場京畿鐵石安峽移屬江原道以忠清道竹山縣移屬京畿鐵石原安峽兩官各品科田守信田別賜田功臣田以竹山縣豐儲廣興兩

倉位田及併屬軍資田給之竹山縣兩倉位田若移於懸原安峽則兩官
軍需數少割屬全羅道初面礪山縣於忠清道以竹山縣兩倉位田移屬
礪山礪山縣元屬兩倉位田分定全羅道各官從之○戊辰先是命義
禁府曰予欲與讓寧觀難禮是日陽讎戲觀之司憲掌令金寧詣關欲
啓未得達而退○己巳何勤政殿受朝○宗貞盛使人李滿任使人等
來獻土宜○司憲持平權躡司諫院左正言權自弘等詣闕欲啓讓寧
事左副承旨尹炯曰事干讓寧毋得啓達曾有內旨躡等乃退○以黃
守身爲司憲掌令○揀選辨饌婢子聚于闕內使司饗房教造諸般饌
選○庚午都承旨安崇善欲侍母疾乞免職事 上曰安心侍樂待平
復乃仕○諸大君與駙馬進豐呈○進獻使李叔取賫海青二連如京
師仍賫奏本三件皆欽依朴信生賫來勅諭事也○辛未司諫院上疏
曰竊謂 殿下踐祚以來凡所施爲率由舊章殆無可言之事然讓寧
大君嘗以不忠不孝獲罪於君父見絕於 宗社義不得齒於懿親肆
我太宗斷以大義上告 宗廟下諭臣僚廢黜于外乃命群臣曰提之
進退付諸國家又命之曰自予千歲之後使提不得往來于京其防微
慮後之訓深切著明矣向者 殿下召見于內其時臺諫交辭極陳勿

復召見 上曰今後如有召見必曉臣僚今 殿下不數月間至再密
召累日接見在 殿下友愛之情宜未忘也於 太宗社大計以爲
何如伏望 殿下上遵 太宗之明訓下察臣僚之至情命還于家勿
復召見 宗社幸甚國家幸甚書上不報○頒賜至正條格于文臣○
壬申親傳朔祭香祝

世宗莊憲大王寶錄卷第六十六

世宗皇帝卷第六十一

世宗皇帝卷第六十一

世宗皇帝卷第六十一

世宗皇帝卷第六十一

世宗莊憲大王實錄卷第六十七

十七年大明宣德十年春正月癸酉朔 上率王世子及群臣行望闕禮御勤

政殿受 王世子賀及群臣賀並如常儀議政府進表裏鞍馬倭人野

人來獻土宜○諸道進筵進方物○行中宮賀禮如儀○東宮停賀禮

○上御勤政殿設會禮宴如儀倭野人亦參○中宮宴誠妃宗親夫人

咸侍宴○賜建州衛都指揮李滿住所送王卜納蘇周早咭等十人衣

服笠靴仍賜滿住米二十石○甲戌知安岳郡事閔彌老辭 上引見

曰農桑庶務毋失其時輕徭薄賦以恤民生○李滿住遣指揮黃起奴

兒等五人來獻土物○乙亥知長淵縣事南渾泰仁縣監申安善辭引

見曰慎刑罰勸農桑愛民如子○上曰移置濟州牛馬賊時令所經冬

官優給衣糧無使飢寒婦女小兒無令凍餒○命收元尹禮驅史以去

冬三朔赴宗學日數最少也○丙子受常參視事 上勞大司憲李叔

時曰卿之觀察平安適值凶歉其艱極矣因問曰予聞去歲凶歉其在

秋熟民尚草食麥熟之間何以得活叔時對曰歲雖不稔罕有草食者

倉廩所儲足以賑之民間之穀可及麥熟 上又問曰聞黃海禾穀稍

加於平安卿之所見何如對曰臣在平安所聞亦然以臣所覩兩道無

異焉○公州牧使李洽石城縣監宋之澄茂朱慈監白汝明等辭引見
曰近年禾穀不登民生甚艱爾等體予至懷勸農桑慎刑罰以盡字牧
之責○司憲持平崔敬明啓曰始讓寧大君禔不得入京城其後欲召
見必先議諸大臣今不復下洛屢致接見又從而久留臣等言未得達
昧死上書亦不得達在 聖世固若無弊後世得無藉此以蔽言路乎
上曰何言之巧也去年十二月憲府所進封章至是乃啓其辭曰臣等
竊謂讓寧大君禔得罪君父見絕 宗社 殿下特以友愛之情屢致
接見既違 太宗之遺訓今不即命還仍留已久臣等尤爲缺望再三
進言一不啓達臣等竊恐必有礙於言路也伏望亟命還第以慰臣民之望
上猶不允○禮曹啓正尹智妻死依例致吊致賻從之○戶曹啓江
陵府民戶失火請出義倉米賑恤從之○讓寧大君禔歸于利川○丁
丑受常參○李滿住送指揮馬照好等二十人來獻土物○歲星犯大
微右執法○戊寅傳旨兵曹射御急務宜當講習然衆多軍士皆聚訓
鍊觀習射故一日所習不過數十人徒有習射之名而無其實自今官
城內及民居稀小處置射場分聚軍士習射勸課其節次與三軍都鎮
撫議之僉議以啓曰京城內置射場八處今出番軍士各聚附近射場

習射分遣訓練觀官監掌宮城內置射塲二處令八番軍士習射入直
鎮撫監掌考其勤慢能否而籍之中者給到一罰其不至者不用心者
殺之○已卯太白晝見○傳旨戶曹賜讓寧大君禊祿于京倉前此禊
在利川受俸於其官○栽松于京城外東西新城基內○庚辰太白晝
見○壬午 上以便服乘輦幸昌德宮致齋先是 上欲先詣昌德宮
齋宿令集賢殿考古制無之乃下詳定所議之都提調黃喜等曰可許
稠曰古禮不可廢况 太宗時禮文已成不可更改且恐後世少生臨
祭不自往也 上曰何有臨祭不往之弊昔 太宗亦先詣昌德宮齋
宿祭日詣廟予常慮率百官先期詣廟齋宿若遇雨雪未得親祭遽爾
還宮則心實未安昌德宮與 宗廟同在一垣之內亦是齋所予當依
太宗故事仍命除扈從群官朝服○甲申親傳春享香祝○乙酉
上親享 宗廟如常儀遂還宮御思政殿宴宗親賜宴獻官以下於議
政府○命都承旨安崇善曰允於裸地鋪沙欲使地氣相通今 宗廟
裸地先鋪磚石於地上磚上設簞簞上鋪沙使地氣不升有乖裸地求
神之意其令禮官定制撤磚穿簞使地氣上通薰氣旁達以合裸地求
神之意○差僉知司譯院事唐夢賢解送被擄唐人槐音波等四人于

遼東○丙戌受常參視事葛周母上言嫗有五子或病或死獨周衣食老嫗今以李繼忠文券偽造訊鞫甚苦行當致死願宥此子以活老嫗上曰此嫗恃其老耄謂不坐罪敢冒上言欲脫惡子於禁網執義趙遂良啓曰以繼忠事係獄者非一主此謀作偽券以售奸計者葛周也其所受贈遺倍於他人但勿受贈多少其情則已明上曰苟情實已明細瑣條端不必盡鞫宜速決罪○命左副承旨尹炯曰無識之徒以細瑣小寃輒上鍾樞妄自擊鍾或陷罪繼以繁案牘有乖止辟之意自今禁府門鎖糾察毋得自擊○親傳望祭香祝○安州牧使盧龜祥原州牧使趙壽山等辭上引見曰守令之職不過愛民慎刑勸農桑而已○平安道都安撫察理使崔閏德上箋謝賜宴及衣○對馬島宗彥七遣井大郎兵衛等五人來獻土物謝賜圖書井大郎亦私獻箭鏃○野人李好心波來獻土宜○都承旨安崇善以領議政黃喜言啓曰今自濟州移置平安道盜殺牛馬者幾至六百五十餘豈皆盜殺之人或有食肉而連及者轉達分辨何如上命兵曹逐人名下開寫罪名以改又以判中樞院事許稠言啓曰當本朝開國之初愚夫愚婦皆知天命人心之向背以鄭愛周之賢豈不知之然不貳其操終守臣節若在

朝者皆以夢周爲心可謂忠義之臣矣夢周之後特加擢用以獎其節
上曰予當用之然其子宗本既爲守令長子宗誠亦爲顯官何汲汲擢
遷乎○丁亥 傳旨禮曹今後赴京通事及從事官內司譯院出身者
依已定數私賫布貨茶參以買藥材雖差從人若是司譯院出身者依
打角夫列○禮曹啓向化倭人馬三甫老爲廣州戶長李間養子冒姓
李娶揚州戶長韓原之女生子李根根讀書今欲赴舉其志可尚請許
赴試 從之○建州衛都指揮李滿住遣使來報忽剌温千餘騎欲侵
犯朝鮮已啓行矣○上謂都承旨安崇善曰遼東貿易通事每行異人
故不肯用心今擇二人相遞往來何如崇善啓曰一人則數小官以四
人爲定且赴京人許以定數布子貿易遼東何如國家於遼東貿易其
來已久獨禁私貿易似爲未便 上曰當與大臣議之通事之數則依
所啓以定○戊子御勤政殿受朝○命咸吉道監司買野人體大雌馬
於于孔州之島○己丑黃海道都事金孝芬來啓曰近年水旱相仍本
道亦不豐稔百姓皆仰義倉今使裹糧負載移粟於平安道弊將不小
請令其道州縣近本道者受糴而去 從之○禮曹啓文公家禮四
時祭初獻注云冬月則先煖之今文昭殿親行別祭用冷酒當天寒時

凝凍有違像平生之意况朝夕上食既用溫酒今後別酒依此用溫酒飲福亦用溫酒從之○李滿住所送百戶多陽可卜古里願留侍衛王卜納蘇曰若留此輩則滿住必奏矣乃不許留仍諭曰汝欲來居往告滿住而更來○庚寅傳旨禮官前此王子王女婚嫁時凡所備辦皆以宦者掌之今制為親迎之禮邦典已成而仍使宦者掌之實為未便其主掌官吏詳定以聞○平安道監司馳報本月十三日吾良哈二千七百餘騎來圍閭延城自辰至未郡守金允壽與都鎮撫上護軍李霞水軍僉節制使余成烈都安撫使軍官金壽延等率軍人從城上相戰射中賊人九十餘口馬六十餘匹賊退住允壽馳報請益兵是戰允壽右手母指中矢軍卒四人亦中矢其一卒死壽延於賊退翌日帥驍勇一百追及於江賊匿不見其出戰者只百餘騎佯不勝退走壽延疑有伏審顧左右左右有山谷深可容萬餘兵而賊之所伏兵三百餘騎適見於谷口遂引入城賊亦知不利退住於漏屯洞經五六日而去壽延遣卒巡視賊住之阪死人甚多流血凍於雪上矣○辛卯召領議政黃喜左議政孟思誠叅贊吳陞成抑判書安純趙啓生鄭欽之等議曰守禦邊鄙已曾布置軍士不必加送但滿住使送人回還者非一今有

賊變不審根脚悉令還送乎抑拘留中道更待聲息後送還乎僉曰近
當有報待報處之未為晚也且滿住雖陰有不順之心陽為歸順使人
納款若遽拘留恐失事宜况其徒非一不可拘留於小邑必如平壤大
府可也發程才一日度其行未至平壤必有再三馳報 上從之○傳
旨咸吉道監司諭以閭延聲息令道內沿邊諸鎮謹慎隄備○壬辰知
熙川郡事具益壽三登縣令金致庸辭引見曰近年飢饉平安道尤甚
徃敬乃職無使百姓餓殍且民窮獄繁勢所必至爾其明慎刑罰守令
之職愛民之外無餘事焉○吏曹啓宗廟署官近代頻數而迺必開閱
冊寶以相傳付似為褻慢今後令提調春秋審視而封藏之其遞代者
只驗封緘且以副丞定為久任有實績者陞品授本署官從之○以年
歎停昭格殿洞鑿池之役○癸巳御勤政殿受朝○陞忠清道礪山縣
為郡以 元敬王后外鄉也○甲午召領議政黃喜等議曰續典脫漏
三十餘條其間不無可行者然邦典已成不可追錄何以區處余則以
為撰集續典後亦有受教立法事上項脫漏條件以今受教年月改書
舉行何如僉曰可行條件令考元案申明舉行從之○教旨百歲老人
世所罕有義先矜恤其完恤之條曾有教旨然惠養未盡自今歲給米

十石月致酒肉每季月開數啟聞先是判中樞院事許稠啓今樂學別坐鄭穰祖母一百三歲請加撫綏以示敬老之義 上曰七八十老人

存恤已有著令但未料有過百歲者不別立法遂議于政府而有是教也○戶曹啟濟州牛馬賊已會刷出分置平安道命其道各官分授有

恒產各戶使母子不相離依雇工人例供給役使其老弱疾病不能自存者賑給救恤從之○上曰春秋都試時諸曹及兵曹都鎮撫訓練觀

提調皆晚仕故一日所試不過三四人實為未便今後辰仕百罷堂上坐不坐依清齋監擲簡例發遣監察不時糾察○乙未禮曹啟 王女

下嫁儀司納采主人具書具銜姓名時維孟春仲春李春則隨時而改夏秋冬亦同台候多福朝恩賜室于某之子 夙興告于家廟前一日洒掃齋宿殿助

某若某親某之子某謹行納采之禮伏惟照鑑不宣年月日 夙興告于家廟前一日洒掃齋宿殿助

有職者及前衙紗帽品帶無職者笠子條兒下放此主人於階下北向立執事者在主人之後重行西上主人盥洗升浴擯奉諸神主置於積

前降復位主人以下皆再拜主人納主而退其祝版云維年歲月朔日孝

降復位主人以下皆再拜主人納主而退其祝版云維年歲月朔日孝

府若某親其封某氏伏以某之子某若某親某之子某年已長盛未

有沈麗朝恩賜堂今日納采不勝感愴謹以酒果用伸虔告謹告宗子

自啓則自告其祝共為一乃使子弟為使者盛服詣公主家翁主則云

版自稱以其最尊者為主 亦盛服出逆凡賓主行禮皆 使者升廳事使者致

此放主人長者為之 亦盛服出逆凡賓主行禮皆 使者升廳事使者致

辭曰朝恩貺室于某官之子某官有先人之禮使某也請納采從者以

書進使者以書授主人主人對曰某敢不敬從乃受書北向再拜使者

避不答拜復進請命主人授以復書具銜姓名奉書得審納米之禮某

從伏惟照鑑主人遂與使者交拜如常日賓客之禮乃以酒饌不

禮使者其從者亦禮之別室使者復命納幣各用細或布二端主人夙興遣

使如公主家主人出迎使者升廳事使者致辭曰朝恩貺室于某官之

子某官有先人之禮使某也請納幣從者以幣進使者以幣授主人主

人對曰某官順先典貺其重禮某敢不承命乃受幣再拜使者避之其

禮賓及使者復命並同納采之儀親迎前期一日公主家使人張陳其

簪之室梓梓用飾其日公主家設次于外先時簪詣闕公服肅拜還家

初昏簪盛服公服其衣服主人告于家廟如納采儀祝版前同但云某

之子其將以今日親迎于某訖以卓設酒壺盞於堂上父坐於堂之東

方西向設簪席於其西北南向簪升自西階立於席西南向執事者取

盞斟酒詣簪席前簪四拜升席南向跪受參祭酒興就席末跪啐酒授

執事者又四拜進詣父坐前東向跪父命之曰往迎爾相承我宗祀非

子之子則改宗祀為家祀勉率以敬若則有常簪曰諾惟恐不堪不敢忘命俛伏興

宗子已孤而自出主人使其屬送之壻乘馬以炬前導十備儀初交

會則不用此禮出主人使其屬送之壻乘馬以炬前導十備儀初交

出主人坐於堂之東方西向主婦坐西方東向設公主席於主婦東

北南向公主立於席西南向執事者醮以酒如壻禮但再拜主人出迎

壻於門外揖讓以入壻執鴈生鴈左首以以從至于廳事主人升自阼

階西向立壻升自西階北向跪置鴈於地主人侍者受之壻俛伏興再

拜主人不荅拜壻降自西階主人不降姆導公主出於主婦之左主人

進命之曰敬之戒之無違舅姑之命主婦送之西階上為之整冠歛帔

命之曰勉之敬之夙夜無違姆奉公主出壻遂出中門公主從之壻舉

轎簾以俟姆辭曰未教不足與為禮乃乘轎以炬前導十壻乘馬先

行公主次之主人使其屬送之同牢其日壻家於室內設席兩位東西

相向酒壺卓在東位之後置兩盞音謹以小於其上又南北設

二盞盆勺於室東隅又設酒壺盞於室外或別室以飲從者壻至其家

俟公主至導以入公主從者布壻席於東方壻從者布公主席於西方

壻盥于南公主從者沃之進悅公主盥于北壻從者沃之進悅壻揖公

主就席公主再拜壻荅拜壻揖公三就坐壻在東公主在西從者設饌

主就席公主再拜壻荅拜壻揖公三就坐壻在東公主在西從者設饌

過七品不斟酒壻及公主祭酒舉飲舉者又斟酒壻及公主舉飲不祭無

着又取盃斟酒壻及公主舉飲不祭無着壻出就他室姆與公主留室

中徹饌置室外設席壻從者餒公主之餘公主從者餒壻之餘受餒訖

公主從者用壻復入脫服公主從者受之公主脫服壻從者受之燭出

公主見舅姑明日公主夙興盛飾俟見舅姑坐於堂東西相向各置卓

於前公主進立於阼階下北向拜拜四舅升奠棗栗盤于卓上舅撫之侍

者以入公主降又拜詣西階下北向拜拜四姑升奠脰脩盤姑舉以授侍

者公主降又拜舅姑禮之如醮但四拜若舅姑俱亡則公主

見于主昏尊長如見舅姑之禮無贄但再拜公主見家廟三日主人詣

香卓之前跪告曰某之子某若某親某之子某之婦某公主敢見告

畢立於香卓東南西向主婦以公主進立於兩階之間再拜乃還若非宗

而家廟在別處則壻朝見明日詣闕公服肅拜賜饋次拜詣中宮肅拜

見廟在三月之後壻朝見明日詣闕公服肅拜賜饋次拜詣中宮肅拜

次詣東宮行禮訖釋公服以次見宗親諸尊長如儀並禮之如常其

親家禮皆饌品不過五○兵曹啓或興以南防禦雖歇戎備不可疎虞

各官軍器選輸邊鎮似為不可請以濟用監納神布質鐵製造從之○

丙申受常祭○禮曹啓宋制宗正寺糾合宗室而檢防之訓飭之凡嫁

娶房奩分析財產酌厚薄多寡而訂其議本朝宗簿寺即宋宗正寺乞
依宋制自今 王子王女婚嫁時諸事令宗簿寺主掌備辦從之○禮
曹又啓 王子婚禮時夫人 家王女下嫁時皆家聘財大君及公主
則木絲正布各一百五十匹諸君及翁主則木絲正布各一百匹主掌
宗簿寺臨時啓聞侈賜給從之○丁酉視事 上謂大司憲李叔時曰閭
延密邇賊境賊來甚易而其還無難故我師出擊常不及焉抑他有可
置城邑處歟叔時對曰惟閭延爲民可居之地其他則山川尤險土地
尤磽無可居之處 上又問閭延防禦當春夏水漲之時賊未得渡江
足爲天險雖無他州之軍可以守城若天寒水合之時則守禦之兵不
可孤寡是以每當冬月移牒諸州加遣軍士於是行齋居送送父別夫
憂愁鬱悒人心不安是固可恤也而又南道赴防之軍寄宿食貧體倦
神疲不待敵鋒而銳氣先摧吾欲使他州之民移居於此其四時防禦若
盡爲士兵而無客兵遠勞之弊何如而可卿退與諸大臣熟議以聞
上謂左承旨辛引孫曰中宮言凡士大夫家婚姻禁用綾錦絲帛今淑
慎翁主下嫁用絲帛非儉約身先之道也 宜用縣紬以儉先之則下之
侈於婚姻以干邦憲者將必自愧而變爲儉約之俗予以中宮所言爲

是即令攸司改辦婚禮之物不用絲帛○東萊兵馬使僕猷辭引見曰
本邑非獨治民兼任守邊之責徃慎乃職且謹用刑○戶曹據成吉道
監司關啓慶源會寧最後入居者未及耕種其自募入居者亦皆絕食
請以端川吉州米豆共六千石依前刷公私船四月望後漕運又於雪
消後陸轉吉州米豆共七千石以救兩邑之民從之○戊戌御勤政殿
受朝○賜李滿住使送指揮馬照好等二十三人衣服笠靴○戶曹啓
平安道連年饑饉人皆草食若無益醬慮致浮腫許令隨宜賑貸從之
○己亥受常察○庚子幸東郊觀放鷹○吏曹啓州郡并合各執所見
公革相仍郡縣猥多人材難得其各道各官可并可汰者令監司審定
以聞從之○吏曹啓守令近民之職其選甚重今成衆去官者例補外
任不閑吏務民受其弊自今成衆官當去官者講四書二經各三處能
句讀通大義者爲一等四書一經中二書能句讀通大義者爲二等講
元續典謄錄各通三處者爲一等各通二處者爲二等治民方略三
道俱通者爲一等二通者爲二等中者方許除授守令各處別坐負額甚
多未暇精選自今別坐滿期當叙用者非衆所共知曾經顯秩者皆講
元續典謄錄各通三處者爲一等各通二處者爲二等試治民方略三

道俱通者爲一等二通者爲二等中者方許除授守令其不中者罷之
若有功勞異常啓叙京職從之○辛丑受常參視事○禮曹參判許誠
啓李滿住所送童都里夫何言予於本土無妻孥之顧又無田產願留
侍衛 上曰此雖非招亡納叛之比然自有酋長而遽許留之義所不
可仍令禮曹諭曰受滿住書以來方許留居誠又啓曰今乃兩浦來泊
商倭無功於國請除賜物 上曰姑少與之○進獻使李叔畝到遼東
馳報 皇帝計音膳送遺詔曰朕以菲薄獲嗣 祖宗大位兢兢夕惕
懼不克負荷蓋今十有一年矣而德澤未洽於天下心恒愧之比者邁
疾日臻彌留夫死生常理脩短定數惟不能光承 列聖之洪業終奉
聖母皇太后之養中心念之雖歿不寧長子皇太子祈鎮天性純厚仁
明剛正其嗣皇帝位在廷文武之臣協心輔佐務以安養軍民爲本毋
作聰明以亂舊章凡國家重務皆上白 皇太后皇太后然後施行中外
大小臣僚各敬乃職効忠嗣君毋忝朝命喪制悉遵 皇考洪熙元年
五月遺詔毋改山陵一務儉約宗室親王藩屏任重謹守封國各處提
兵及鎮守官整肅兵務嚴固封疆各都司布政司按察司并巡撫按治
官及衛所府州縣悉心盡力安撫軍民皆勿擅離職赴闕進香者令佐

貳幕職或遣官代行兩廣四川雲南貴州七品以下衙門並免進香○

召議政府六曹議舉哀成服哭臨除服之節僉曰一依 太宗 仁宗皇

帝故事 上以白衣烏帽黑帶率群臣望闕舉哀于勤政殿如儀○命

放發習膳羞婢子○禮曹啓 大行皇帝成服儀前期有司設闕牌於

勤政殿當中南向設香案於其前設 殿下褥位於月臺上北向通禮

門設宗室以下文武群臣位於殿庭文東武西中心為頭異位重行俱

北向設監察位二於東西班後北向書吏各陪其後宗室以下文武羣

官皆服衰服依禮部詳定 太祖高皇帝之喪麻布大袖圓領不緝邊

造而衣傍及下際依儀禮 通解總衰裳之制皆緝詣勤政門外 殿下出思政殿即座判通禮

俛伏跪啓臣某言請 殿下為 大行皇帝成服尚衣院進衰服依朱

家禮斬衰之制 殿下釋素服服衰服通禮門分引宗室以下文武群官入就

位判通禮導 殿下詣褥位北向立啓請鞠躬四拜 殿下鞠躬四拜通

贊唱鞠躬四拜宗室以下文武群臣皆鞠躬四拜判通禮請哭 殿下哭

十五舉聲通贊唱哭宗室以下文武群官皆哭十五舉聲判通禮啓請

哭止興平身 殿下哭止興平身通贊唱哭止興平身宗室以下文武

群官皆哭止興平身判通禮啓禮畢通贊唱禮畢判通禮導 殿下入

內通禮門分引宗室以下文武群官以次出舉臨儀自成服後至釋服
每朝有司設闕牌於勤政殿當中向南設香案於其前設 殿下褥位於
月臺北向通禮門設宗室以下文武群官位於殿庭文東武西中心爲
頭異位重行俱北向設監察位二於東西班後北向書吏各陪其後通
禮門分引宗室以下文武群官入就位判通禮導 殿下詣褥位北向
立啓請鞠躬四拜通贊唱鞠躬四拜宗室以下文武群官皆鞠躬四拜
判通禮啓請哭 殿下哭十五舉聲通贊唱哭宗室以下文武群官皆哭
十五舉聲判通禮啓請哭止興平身 殿下哭止興平身通贊唱哭止
興平身宗室以下文武群官皆哭止興平身判通禮啓禮畢通贊唱禮
畢判通禮導 殿下入內通禮門分引宗室以下文武群官以次出除服
儀前期有司設闕牌於勤政殿當中南向設香案於其前設 殿下褥
位於月臺上北向通禮門設宗室以下文武群官位於殿庭文東武西
中心爲頭異位重行俱北向設監察位二於東西班後北向書吏各陪
其後通禮門分引宗室以下文武群官入就位判通禮導 殿下詣
褥位北向立啓請鞠躬四拜 殿下鞠躬四拜通贊唱鞠躬四拜宗室
以下文武群官皆鞠躬四拜判通禮故請哭 殿下哭十五舉聲通

贊唱哭宗室以下文武群官皆哭十五舉聲判通禮啓請哭止與平身
殿下哭止與平身通贊唱哭止與平身宗室以下文武群官皆哭止與
平身判通禮啓禮畢通贊唱禮畢判通禮導殿下入內釋衰服通禮
門分引宗室以下文武群官以次出釋衰服○禮曹啓太行皇帝喪
制依太祖皇帝喪制外方大小使臣守令文書到日設香案於公廳
俱素服行四拜禮哭十五舉聲又行四拜禮聞計四日成服三日而除
沿邊將師及軍官不用此制○壬寅召議政府六曹議曰歲甲辰降
太宗皇帝崩進香陳慰登極等使不待天使並先發遣天使道過
曰詔勅未到何以發程乃留中道待天使到本國追改日時乃赴京
乙巳辛闕仁宗皇帝崩進香陳慰登極等使皆待天使到本國發
程今待天使發遣乎若不當待則講武前發遣乎僉曰甲辰年聞計
日久天使不來故進香等使皆先發遣乙巳年聞計後不數日天
使出來故進香等使待天使到國發遣今無天使出來之報當於
講武前發遣若天使速來則待到本國亦可也○禮曹啓發喪後二
十七日前朝會宴享並去音樂上曰前此皇帝之喪我國去樂只
限七日於心未安自今依此施行禮曹又啓二十七日前停大小祀及

朝市禁屠宰去刑戮禁婚嫁從之○全羅道監司啓築城逃軍追日徵
錢上曰前此咸吉忠清兩道築城逃者皆按律科罪已成格例今
全羅道追日徵錢有違他例即命義禁府都事閔憲往覈之○特賜幹
朶里指揮李好心波黑木鬃二匹青紬二匹紅紬四匹以年老不憚遠
略朝見故也○禮曹啓親迎各備從者食枕古制所無勿令造給親迎
日大君及公主騎從婢六名步婢二名奴六名諸君及翁主騎從婢四
名步婢二名奴四名並除馬直奴從之○二月癸卯朔以丑爲義昌君
孟思誠左議政仍令致仕崔閔德左議政盧閑右議政宋居信礪山府
院君河敬復贊成趙未生判中樞院事申商崇政禮曹判書邊次熹僉
知中樞院事牟恂左獻納李活右獻納金安生右正言○禮曹啓拜賀
登極表用朝服備儀仗樂陳而不作拜祭文及陳慰箋用素服除儀仗
擔龍亭人並著吉服從之○禮曹啓本月初六日當行社稷祭隸儀與
致齋皆在服內釋服在祭前一日諸享官毋與喪事今就祭所隸儀致
齋從之○甲辰上服斬衰群臣望闕哭臨如儀群臣四品以上服
齋衰其餘各品白衣烏紗帽黑角帶○慎寧宮主辛氏卒太宗寵幸
生誠寧君綢溫寧君程及七翁主初封翁主後加封宮主及卒致吊致

祭官庀葬事特賜歛用衣服○召右議政盧閑議曰前此欲設禮宴會
李湛死卿等議有服宗親不可服內赴宴予從之今當講武慎寧翁主
率有服宗親非一欲令除佩弓矢隨駕以慰予寂寥但恐爲後日之例
如何閑曰有服宗親勿令隨駕幸甚從之○乙巳 上率群臣哭臨○丙
午上率群臣哭臨○召議政府六曹及仍令致仕孟思誠議 大行皇帝
喪制僉曰遺詔無藩王之制一依 太祖高皇帝遺詔及本國已行典
禮三日而除即吉從之又議宗親爲慎寧翁主之服僉曰大夫爲庶母
雖無服又有尊同則服之制然此等節目本國未曾參詳姑從元典從
之○又議進香陳慰賀登極等使發遣之期黃喜等曰已舉哀成服不
宜稽緩趙啓生等曰待本國使臣回還發遣未晚許稠等曰進香陳慰
使不宜徐徐唯登極使姑停發遣從黃喜等議○兵曹啓黃海道凶歉
限麥熟放京役人從之○兵曹啓平安道慈城間於間延江界賊入要
衝人物凋弊田野不闢請募傍近各官能文算射御者入居且其公廩
皆蓋以板易致腐朽連續改蓋其弊不小請待豐年燔瓦蓋之從之○
丁未 上率群臣哭臨釋服即吉○都承旨安崇善以母病上書乞免
上曰安心奉藥以待予命出之日崇善更啓 上命切至然臣職匪輕

不敢安心奉養乞解臣職俾專奉養從之○戊申以許誠為禮曹判書
李皎中樞院使金一起同知敦寧府事朴坤禮曹參判文貴中樞院使
崔士儀漢城府尹李孝仁戶曹參議高得宗禮曹參議○宗貞盛遣源
左衛門來獻土物仍請大般若經令禮曹賜給○李滿住遣金羅老等
三人來獻土物○賜野人指揮好心波等二人及千戶看土等四人衣
服笠靴○命造火藥庫于昭格殿側備火災也○己酉視事○命吏曹
正郎趙講齎香醞三十瓶往慰于平安道都安撫使崔閔德都節制使
李恪間延郡事金允壽以其能禦敵也○親傳風雲雷雨祭香祝○宗
貞盛所送源左衛門告貞盛失農飢饉求請米糧燒酒宗彥七所送并
大郎兵衛亦告彥七因助戰歸九州妻子乏食吾亦朝夕艱窘請給米
糧命承文院提調議之黃喜等曰宜賜貞盛米一百石彥七米五十石
并大郎米二十石尹淮曰遺以米穀昔人所謂齋盜糧者也然或因書契
或因有功而賜可也若憑使人口舌而輕與數百石恐謂無據如不得
已則多不過五六十石以次降殺 上從喜等議并賜貞盛燒酒二十
瓶并大郎其先本國人也故每來別給之○庚戌管押使通事回言
皇太子正月初十日即位大赦改元正統召議政府六曹議待頒詔宥

境內自有舊例然今已知登極即當頒赦何如僉曰可皇甫仁獨曰當待詔書到國上從皇甫仁議○進香使文貴陳慰使李中至如京師上率百官拜祭文及表如儀進香禮物白細苧布一百匹黑細麻布二百匹祭文曰於皇神聖大德難名績承丕緒持盈守成至仁育物宇內隆平覃及蠻貊莫不來庭願臣小邦邈在海曲未效涓埃偏承寵渥庶幾萬年父臨音率豈意一夕八音遽過聞計以還不勝痛哭極目鼎湖攀緇莫及敢叙微衷遙薦菲薄於昭在上俯垂歆格伏惟尚享陳慰表曰伏聞大行皇帝崩逝欽惟皇帝陛下哀痛切至臣竊以昊天降割仙馭上賓奉計哀惶失容彌慟伏惟皇帝陛下孝思罔極攀慕難居冀抑至情俯循禮制○漕轉全羅道沿邊名官米豆共三千石賑濟州人民○尋訪官李師孟啓雖有欲告溫泉者或慮賞止其身害及子孫其告者依教論賞並子孫復戶如有欲害告溫泉者充役邊郡從之○刑曹啓居京奸詐之徒僥倖苟得謀欲連訟隻在外方之事投狀都官以至辭證並皆移文推捕至則規避不肯對辨去則又請推捕坐使隻證困於奔馳弊將難救謹按續刑典逃亡仍據執奴婢訴訟隻在外方者令其道監司受理刑曹毋得據狀獨相訟事無舉論

等是詞訟除公處奴婢陳告外自餘隻在外方者依仍據執例令許
其道監司其他雜訟隻在外方者並勿聽理其守令決訟勤慢每月季
監司糾察各官接狀元數內已決幾道未決辭緣每於務停後移關司
憲府以考勤慢從之○辛亥砥平縣監申梯辭引見曰京畿事務煩劇
賦役甚重爾其存心仁恕愛恤民生○召領議政黃喜等議曰 太皇
太后皇太后封崇後亦備禮物進賀乎僉曰可又議曰待詔書到國宥
境內昨日已從皇甫仁議今更思之喜事當速今已知新登寶位宜即赦
宥道霽洪恩卿等以為何如後日詔書到國令禮曹謄寫詔文移牒各道
何如僉曰 上教允當○上御勤政殿頒教中外曰一人御宇丕承正統
之傳四海懽心宜被同仁之澤欽聞 皇帝陛下於宣德十年正月初十
日祇奉 大行皇帝遺命新登寶位大赦天下不勝懽慶奉表詣闕進
賀合將宣德十年二月初九日昧爽以前除謀反大逆謀反子孫謀殺
歐罵祖父母父母妻妾謀殺夫奴婢謀殺主蠱毒魘魅謀故殺人但犯
強盜外已發覺未發覺已結正未結正咸宥除之敢以宥肯前事相告
言者以其罪罪之於戲詔頒明詔既中夏之維新道霽洪恩庶東土之
均慶○壬子知寶城郡事李瑚知茂珍郡事梁歧全州判官梁峻竹山縣

監柳庸之等辭引見曰比年禾穀不登民多飢饉其務賑恤無使餓殍
且勸農桑慎刑罰以副委任之意○賜被擄唐人七名衣服笠靴○禮
曹啓宴隣國使客判書有故則代以他曹判書壓宴從之○傳旨禮曹
六典文科禮曹主之藝文館集賢殿同試生負亦禮曹主之成均館同
試今每當科舉試負相避辭免有違立法之意今後有相避舉子勿
令赴試○注簿金旣錄事韓硤告身憲府待滿五十日署出以旣毋更
適三夫旣亦好色沉昵娼妓硤前任軍器監偷官弓七丁聞有司欲覈
乃還納官會赦未推故也○癸丑遣右議政盧閑同知中樞院事閔義
生如京師賀登極 上率百官拜表如儀表曰乾御時乘傳百王之正
統萬明重照協四海之懽心廟社尊安寰宇寧謐欽惟剴健粹精寬裕
溫柔景命惟新光撫盈成之運丕圖益鞏永隆繼述之功萬國會同三
靈扶佑伏念臣猥將庸質幸際昌期迹滯鯁岑欣仰龍墀之造情馳鳳
闕倍申燕賀之誠方物表曰繼天立極萬福攸同航海梯山四方畢賀
謹備黃細苧布二十匹白細苧布五十匹黑細麻布一百匹黃花席滿
花席滿花方席雜彩花席各二十張人參一百觔豹皮二十領雜色馬
三十匹右件物等產從僻地製非良工豈敢充享上之儀聊以表由中

之信 太皇太后皇太后進獻禮物白細苧布各二十匹紅細苧布各二十匹黑細麻布各二十匹黃花席各二十張滿花席各一十張雜彩花席各一十張○通事唐夢賢管押被擄逃來唐人金萬先等男婦共七名解赴遼東都司○甲寅親傳 宗廟告講武香祝○倭人六郎次郎遣人來獻土宜○前署丞崔子雲以孝子拜職父歿居廬告于憲府曰第小元以牛肉塊饋父致死勾問小元卒無事實子雲云小元不恭於我故敢以虛事告之當服誣告會赦免坐○乙卯 上率王世子講武于鐵原等處宗親駙馬議政府臺諫各一員兵曹大小武臣扈從文武群臣祇送于興仁門外京畿監司成槩經歷李宜洽察訪李築楊州府使金宗興迎謁道左獵于綠楊平檜巖南山次于楓川京畿黃海慶尚忠清等道監司進方物○掌令黃守身獻納牟恂等啓曰讓寧大君禔於京中屢召接見臣等已爲失望况此草野之間昵侍大駕誠爲未便左副承旨尹炯荅曰 上於兄弟友愛特厚凡事干讓寧毋得入啓故難於啓達守身等乃退○丙辰以兩留 上謂隨駕大臣曰明日亦兩則意欲還京僉曰講武諸事京畿江原兩道已會備辦不宜回駕明日雖雨仍留於此以待開霽 上曰此邑茭菘遠在二十里外輸轉甚

難因兩留此慮其人馮之困也且國忌已逼若不還京雖兩當行第念
驅軍等計日齋糧今留一日所齋必乏加給一日料何如僉曰可即命
常例之外加給一日料○丁巳行釋奠祭初五日上丁以 皇帝喪停
釋奠禮曹按古制以啓日至正條格延祐六年二月丁亥朔日食適當
釋奠禮部呈按禮曾子問當祭日食牲至未殺則廢又唐六典釋奠遇
大祭祀改用仲丁即今牲未詣廟宜合於十一日丁酉行禮都省准擬
今因 大行皇帝喪文宣王釋奠未得行於上丁乞依古制改用仲丁
從之○只令四衛軍士八十人扈駕其餘軍士皆令先送○連川縣監
李君遇迎謁境上獵于佛見山次于松折院平江原道都事李畬來問
安○戊午江原道監司李士寬都事李畬鐵原府使權曙等迎謁境上
獵于墨墨山及靈隱中山還次于松折院之平○中宮遣宦者趙珠來
問安○遣注書閔瑗薦禽于宗廟○全羅道康津縣人震死○己未
獵于仇耳洞及大光山還次松折院平○議政府六曹遣禮曹判書許
誠問安○庚申獵于加乙麼峴及鐵原北平次于禾倉里○江原道監
司進方物○辛酉獵于鐵原平村巷婦女來聚觀賜酒饌次于習每浦
○壬戌京畿監司成梁經歷李宜洽迎于境上○江原道監司李士寬

都事李畬辭各賜衣一領獵于永平之原次于永平縣前平是日雨分遣知印三人各賚酒往救中道寒凍者○癸亥獵于王方山次于抱川每場院平○謝恩使通事俞宗秀回自北京啓曰禮部郎中李約戶部員外郎李儀等賚捧登極詔書而來○甲子命除群臣出迎申時還宮○管押使李孝仁來復命飄風人金先住白毛針等男女共七十八名分授孝仁三十名正朝使田興四十一名以送其餘七人病死 帝賜金先住等綵絹衣靴襪白毛針繡布衣裙雲鞋婦人綵絹衣靴襪○上慮在後軍士及從人等值風雨寒凍即令知印賚酒往救○賜京畿監司成際經歷李宜洽衣各一領○慶尚道監司啓道內凶荒甚於他道願以國庫陳米換納新穀往年所糶亦以新穀代納以備明年之種且不緊雜訟與利商賈並皆病禁專務救荒從之○乙丑遣判漢城府事李益昫刑曹刑書鄭欽之爲遠接使迎兩使臣前議大臣曰兩使臣若一事而來則宜遣一人若以計告登極兩事而來則不宜遣一人如之何則可俞曰姑遣二人若一事而來則一人先來可也○傳旨戶曹每當春秋例賜檜巖寺益三十石○開城府留後金自知卒自知字元明延安府人密直提學濤之子也自知年十八中第歷揚中外皆有聲績

重厚聰明陰陽卜筮天文地理醫藥音律靡不涉獵不喜浮屠遺命諸子喪事一遵文公家禮年六十九停朝二日致吊致賻謚文靖學勤好問文恭已鮮言靖初奉常議謚并擬道德博文之文上曰自知雖賢道德博學無乃過乎遂改之有子九人曰偉曰徑曰仍曰攸曰何曰佖曰備曰脩曰俱○丙寅成吉道兵馬都節制使抄寫李滿住九察處皇帝勅書二道以送其辭曰勅諭建州衛都指揮李滿住等今建州左衛都督九察等欲率領部下大小官民人等及百戶棗火等五十家俱來爾處居住已勅其同毛憐衛都指揮郎不兒罕等一同前來居住特諭爾等知之故諭又勅諭建州左衛都督僉事九察等爾差指揮李張家等來奏楊木荅兀引領野人來廝殺情由朕已具悉先因指揮塔察兒來奏報前事已勅內官阮堯民亦失哈張童兒等前去整理尚未回報且待其日具奏何如或此賊順服遵朕誦令將搶去人口頭畜等物還爾收領朕則宥其前過不問如執迷不悛仍復爲惡必戮大軍勦捕不饒爾等又奏大小官民人等及百戶棗火等五十家見要往建州衛都指揮李滿住那裏一處住坐從爾等所便茲因指揮李張家等固特諭爾等知之故諭○丁卯正朝使田興副使權賻賚捧勅書而來上率群臣

迎于慕華館至景福宮受勅如常儀其勅曰今備倭都指揮張翥奏解
 男婦金先住等七十八名到京問係朝鮮國人因王差搃制趙衆生領
 去撐船捕賊內一船裝載賊人白毛針等回國為東北風飄至揚州衛
 港窟寨登岸被獲據所言如此未知實否茲因王使臣回就付帶回王
 其審悉處置故勅○禮曹改修生員放榜儀注以進曰前一日有司設

殿下座於勤政殿北壁向南設香爐二於前楹外左右典樂展樂器如
 常時衙朝例其日典儀設侍臣及三館參外位於殿庭東西每等異位
 重行殿上典儀立於殿上東階之東西向判通禮階下典儀唱榜官位
 於殿階下東北通贊一人在南差退俱西向通贊一人位於殿階下西
 北東向又設諸生位於殿庭以東為上每等異位重行通禮門設侍臣門
 外位於弘禮門外如常儀鼓初嚴兵曹勒諸衛列仗屯門及陳於殿庭
 如常儀有司設榜案於殿下座前設唱榜位於殿階上近南在東西

向侍臣及三館俱集朝房各俱公服諸生俱集光化門外各服青衣軟
 頭巾鼓二嚴侍臣以下皆就門外位諸生俱就弘禮門外判通禮啓請
 中嚴殿下出思政殿坐有司陳繳扇侍衛如常儀近臣及執事官

如承旨及備身上護軍扶策大護軍史官之類
 類執事官如判通禮典儀唱榜官之類 先行四拜禮如常儀典樂率

工人入就位諸侍衛官各具器服俱詣閣奉迎鼓三嚴典儀率唱擗官通
贊先就位奉禮郎分引左右侍臣及三館入就位諸生就勤政門外判
通禮啓外辦中禁傳嚴 殿下乘輿以出繳扇侍衛如常儀 殿下將
出仗動樂作 殿下升座樂止典儀曰四拜通贊傳贊鞠躬樂作四拜
興平身樂止奉禮郎分引侍臣以下東西相向立唱擗官升自西階就
唱擗官位承旨一人前承教由東戶出詣唱擗官之北西向立執事者
內侍別舉擗函從之二人承旨取擗授唱擗官唱擗官跪又以授執事
者執事者跪受興對展承旨還侍位唱擗官以次唱名中禁訖唱擗官
降復位執事者置於案上退通贊贊四拜諸生皆鞠躬樂作四拜興平
身樂止通贊贊跪諸生皆跪分賜酒果通贊贊俯伏興四拜興平身諸
生俯伏興樂作四拜興生身樂止奉禮郎引諸生以次出奉禮郎分引
侍臣以下還就位北向立定通贊贊鞠躬四拜興平身侍臣以下鞠躬
樂作四拜興平身樂止判通禮進當殿下座前跪啓禮畢俯伏興還本
位樂作 殿下降座乘輿還內繳扇侍衛如來儀侍臣從至閣奉禮郎分
引侍臣以下以次出○戊辰賜祭于朴齡其文曰惟卿風神魁偉性行
質直沉毅有勇才優將略兼通吏事早登仕藉遭劫列聖特蒙擢拔歷

揚中外英聲煥赫分符數郡務存矜恤威惠並著吏畏民服仗鉞諸鎮
號令嚴肅臨機制敵屢著偉績予其嘉獎爰陞榮秩及使 帝庭敷奏
詳明真稀世之良將而累朝之舊德頃緣沉綿投閑養疾意謂康復永
爲喬木夫何一夕奄爾不淑計音之至良深痛感茲遭禮官俾陳菲濟
靈其有知庶幾歆格前此大臣致祭皆用教書至是考古制始用祭文
○己巳取生負南輕等百人御勤政殿放榜如儀○禮曹啓謹按禮記
喪服小記曰妾祔於妾祖考亡則中一以上而祔註云妾死則祔於祖
之妾也若祖無妾則又問曾祖一位而祔高祖之妾故云亡則中一以
上而祔也又曰慈母與庶母不世祭註云不世祭者子祭之而孫不祭
也妾無廟今乃云祔高祖當是爲壇以祔之耳事林廣記庶母別祭修
云庶母亦當爲主但不可入廟子當祀之於私室臣等參詳庶母之祭
不立其廟但作神主祭於淨室祭品從子爵其祭從其子之身從之因
誠寧君母慎寧宮主之喪立此法也○傳旨咸吉道監司都節制使會
寧府寧北鎮乃是極邊新設之處傳聞去歲稍稔且入居人民安心土
著意謂處置得宜凡事粗備今累聞會寧東面伯顏愁所憂源南面孔
州等處各場居民等稱爲覓報逃逐南道者過半其強留正軍亦皆乏

食且因雪深麥蕪亦乏農牛戰馬多致損失若是則前日布置規復掃地矣上項各官居民及牛馬浮腫者幾何流移者幾何損失者幾何姑以大槩開具以啓其邊境富實之策亦當條上○庚午受常叅視事○遣中樞院副使尹得洪宣慰使臣于安州○藤次郎子都時羅及野人指揮李洪所老等四人來獻土宜並賜衣服笠靴○刑曹啓葛周邊自中崔松鶴李昌等於李繼忠高山甫處多受財物及奴婢偽造山甫戶口及繼忠外祖高純文契造印行使又於證保及都官漢城府色吏多贈以物舞文聘巧變亂是非使決訟官吏眩於處決其誘人陷害傷殘骨肉濁亂朝綱奸詐尤甚官屏遐裔以絕亂階雖經赦宥勿許放免以戒後來 從之○上議于大臣曰故教授官林棲筠妻裴氏欲進奴婢六口曰女祖郎將裴臣柱進奴一口於 桓王其奴逃隱春川產至七十餘口間者告于都官決屬本宮今欲進此奴婢者女年已老且無子孫可傳者又此奴婢與祖父所進之奴同一根也予以謂在朝官則他人所贈奴婢不可公然受之若君父則非如朝官之例也且此媼欲以此資衣食也可受乎否戶曹判書安純等曰一根奴婢已屬本宮且此媼年已八十餘無他所望但慕 上德耳受之可也皇甫仁獨曰此媼

之望報與否不敢論也拒之而勿受可也從安純等議○辛未受常祭

公尹評為嘉善坡原君評判奉常寺事敵之子將以淑慎翁主下嫁也

翁主乃 太宗宮人出也○禮曹啓王子婚禮儀曰納采主人以宗親

者為具書具銜姓名時雜孟春仲春季春則隨時而改夏秋冬亦司二

下稱裁候多福某大君諸君則其君下做此年已長夙興遣使者以宗

成未有伉儷謹行納采之禮伏惟照鑑不宣年月日三品以下者著之盛服有職者紗帽品帶前街如夫入家主人亦盛服出迎實

主相禮皆贊使者升廳事使者致辭曰某官貺室某大君某官主婚

由先典使其也請納采從者以書進使者以書授主人主人對曰某之

子若妹姪孫蠢愚又不能教則不云蠢愚又不能教某官命之某不

敢辭乃受書北向再拜使者避不答拜使者請退竢命出就次主人遂

告于家廟前一日灑掃齋宿殿明設酒果時至主人以下盛服主人於

落神奉諸神主置於壇前降復位主人以下皆再拜主人升詣香卓前焚

香再拜詣神前位前獻酒知常儀退于香卓之前危祝持版進主人之左

跪讀畢主人再拜降位主人以下皆再拜主人納主而退其祝版云維

子某親某官府君某親某封某氏伏以某之第幾女若某親某之第幾

女年漸長成已許嫁某大君今日納采不勝感愴謹以酒果用伸虔

其祝共為一版自稱出迎使者升廳事授以復書具銜姓名奉書得審

某親某之女蠢愚又不能教若許嫁者於主人為姪妹則云交拜如常

日賓客之禮乃以酒饌饌品不禮使者其從者亦禮之別室使者復命

納幣幣用細或布玄四端主人夙興遣使如夫人家主人出迎使者

升廳事使者致辭曰某官貺室其大君某官率由先典使某也請納幣

從者以幣進使者以幣授主人主人對曰某官順先典貺某重禮某敢

不承命乃受幣再拜使者避之其禮賓及使者復命並同納采之儀親

迎前期一日夫人家使人張陳大君之室所張陳者衾褥用綿細木綿其其

日夫人家設次于外初昏大君盛服公服其衣服出主人使其屬送之

大君乘馬以炬前導炬十四柄備儀物交床發至夫人家大門外下馬

入俟于次主人告于家廟如納采儀祝版前同但云某之第幾女若其

君不勝感愴訖以卓設酒壺盞於堂上夫人盛飾衣服用綿姆相之以

出父坐於堂之東方西向毋坐西方東向設夫人席於母之東北向南

夫人立於席西南向執事者取盞斟酒詣夫人席前夫人四拜升席南

向跪受盞祭酒興就席未跪啐酒授執事者又四拜主人出迎大君子

門外揖讓以入大君執鴈生鴈左首以從升于廳事主人升自階階

西向立大君升自西階北向跪置鴈於地主人侍者受之大君俛伏興

再拜主人不答大君降自西階主人不降姆導夫人出於母左父進命

之曰敬之戒之夙夜無違命母送至西階上為之整冠歛帔命之曰勉

之敬之夙夜無違諸母姑嫂姊送至于中門之內為之整裙衽申以父

母之命曰謹聽爾父母之言夙夜無愆姆奉夫人出大君遂出中門夫

人從之大君舉轎簾以俟姆辭曰未教不足與為禮乃乘轎以炬前道

炬十四柄諸君夫人十柄大君乘馬先行夫人次之主人使其屬從之同率其目大

君家於室內設席兩位東西相向酒壺卓在東位之後置兩盞音謹

而兩之於其上又南北設二盃盆勻於室東隅又設酒壺盞於室外或

別室以飲從者大君至其家俟夫人至尊以入夫人從者布大君位於

東方大君從者設夫人位於四方大君盃于南夫人從者沃之進悅夫

人盃于北大君從者沃之進悅大君揖夫人就席夫人再拜大君答拜

大君揖夫人就坐大君在東夫人在西從者設饌饌品不斟酒大君及

夫人祭酒舉飲舉肴又斟酒大君及夫人舉飲不祭無肴又取盃斟酒

舉飲不祭無肴大君出就他室姆與夫人留室中徹饌置室外設席大

君從者餞夫人之餘夫人從者餞大君之餘從者用木綿各一端大君

復入脫服夫人從者受之夫人脫服大君從者受之燭出夫入朝見明日夫人夙興盛飾以出乘轎侍從如常至降轎所降轎司賓引夫

人立於閣外近臣入啓 殿下陞座侍衛如常司賓引夫人立於庭北

向夫人四拜司饌以棗栗盤授夫人司賓引夫人升自西階進 殿下

座前北向立尚食奉卓置於座前夫人跪奠盤於卓上 殿下撫之尚

食進徹以東司賓引夫人降復位又四拜司賓引夫人出遂詣 中宮

閣外尚儀入啓尚食設醴罇卓於東壁下稍南置盞一於卓上又設饌

卓饌品於罇北 王妃陞座侍衛如常司賓引夫人入立於庭北向四

拜司饌以股脩盤授夫人司賓引夫人升自西階進 王妃座前北

向立尚食奉卓置於座前夫人跪奠盤於卓上 王妃撫之尚食進徹

以東司賓引夫人降復位又四拜司設設夫人席於 王妃座之東北

南向司賓引夫人升自西階就席西南向立尚食以盞酌醴進詣夫人

西南東向立夫人四拜升席南向跪受盞尚食薦饌卓於席前夫人祭

醴興降席西南向跪啐醴授尚食夫人俯伏興四拜尚食徹薦司賓引

夫人降自西階出閣乘轎還家如來儀大君見夫人之父毋四日大君

往見夫人之父母夫人之父迎送揖讓如客禮拜則跪而扶之夫人之

母闔門左扉立于門內大君拜拜于門外次見夫人諸尊長如上儀並

禮之如常饌品不過五果毋○一品至庶人婚禮儀曰納采主人具

禮之如常
得酬幣于從者
六十一

書其銜姓名時維孟春仲春季春隨時而改夏秋冬亦同二品以上稱

之子某若某親某之子某年已長成未有仇夙興告于家廟前一日洒

設酒果主人以下盛服有職者及前街紗帽品帶無職者笠子條兒

升啓積奉諸神主置於前復位主人以下皆再拜主人納主而退其祝

前焚香再拜詣神位前獻酒如常儀退于香卓之前跪祝持版進主人

之左跪讀畢主人再拜復位主人以下皆再拜主人納主而退其祝

版云維年歲月朔日孝曾孫告二代則稱孝孫告考妣則稱孝子某官

某取昭告于某親某官府君某親某封某氏伏以某之子某若某親之

子某年已長成未有仇懼已議娶其官某郡姓名之女今日納采不勝

感愴謹以酒果用申虔告謹告若宗子自婚乃使子弟為使者盛服

則自告其祝共為一版自稱以其最尊者為主如女家主人亦盛服出迎九賓主行禮皆相導之

子有惠貺室某也某之某親某官有先人之禮使某請納采從者以書

進使者以書授主人主人對曰某之子若妹姪孫卷愚又不能教若許

於主人為姑姊則不能教云愚又不能教吾子命之某不敢辭乃受書北向再拜使者避不

答拜使者請退俟命出就次主人遂告于家廟如督家之儀祝版前同

帶幾女若某親某之第幾女年漸長成已許嫁某

言其郡姓名之子日納采不勝感愴謹以後同

出迎使者升廳事授

以復書真衙姓名奉書得審納采之禮某之女若某親某之女卷愚又

取辭伏惟照鑑交拜如常日賓客之禮乃以酒饌過三果不禮使者其從

亦禮之別室使者復命納幣幣用紬或布二品以上玄纁各一端

主

人夙興遣使

若路遠或有故則納采納幣同日同使

如女家主人出迎使者升廳事使者

致辭曰吾子有惠貺室某也某之親某官有先人之禮使某請納幣從

者以幣進使者以幣授主人主人對曰吾子順先典貺某重禮某敢不

承命乃受幣再拜使者避之其禮實及使者復命並同納采之儀親迎

若妻家遠要行禮令妻家就近處設婿之館婿往至女家迎歸所館行禮前期一日女家使人張陳其婿之

室所張陳者余幣用綿細木綿其屏席帳幔等物婿家備陳其日婿家於室內設席兩位東西相向

酒壺卓在東位之後置兩盞盃音謹以兩之於其上又南北設二盃盆

勺於室東隅又設酒壺盞於室外或別室以飲從者女家設次于外衣

昏婿盛服有儀者不拘時散公服文武兩班子孫與及第生負紗帽角帶庶人笠子條兒其不能備紗帽角帶者笠子條兒亦

衣服皆用主人告于家廟如納采儀祝版前同但云某之子某將以今日親迎于某官

某郡某氏不勝感愴謹以訖以卓設酒壺盞於堂上父坐於堂之東方西向設婿

席於其西北南向婿升自西階立於席西南向執事者取盞斟酒詣婿

席前婿四拜升席南向跪受盞祭酒興就席未跪卒酒授執事者又四

拜進詣父坐前東向跪父命之曰往迎爾相承我宗事非宗子之子則改宗事為家事

勉率以敬若則有常婿曰諾惟恐不堪不敢忘命俛伏興若宗子已孤而自昏則不

禮用此主人出使其屬送之婿乘馬以炬前導二品以上炬十柄備儀物

至女家大門外下馬入俟于次主人告于家廟如納

采儀泥反前同但云某之第幾女若某親某之第幾女將女盛服衣服皆用

木綿姆相之以出父坐於堂之東方南向母坐西方東向設女席於母之

東北南向女立於席西南向執事者醮以酒如誓禮主人出迎誓于門

外揖讓以入誓執鴈生鴈左首以色紬交以從至于廳事主人升自階

階西向立誓升自西階北向跪置鴈於地主人侍者受之俛伏興再拜

主人不荅拜誓降自西階主人不降姆導女出於母左父進命之曰敬

之戒之夙夜無違舅姑之命母送之西階上為之整冠歛帔命之曰勉

之敬之夙夜無違爾閨門之禮諸母姑嫂姊送至于中門之內為之整

裙衽申以父母之命曰謹聽爾父母之言夙夜無愆姆奉女出誓遂出

中門女從之誓舉轎簾以俟姆辭曰未教不足與為禮乃乘轎以炬前

導炬各夫誓乘馬先行女次之主人使其屬送之誓至其家俟婦至導

以入婦從者布誓席於東方誓從者布婦席於西方誓盟于南婦從者

沃之進悅婦盟于北誓從者沃之進悅誓揖婦就席再拜誓答拜誓揖夫

就坐從者設饌饌品不過七果庶斟酒誓婦祭酒舉飲舉着又斟酒揖

婦舉飲不祭無着又取盞斟酒誓婦舉飲不祭無着誓出就他室姆與

婦留室中徹饌置室外設席胥從者餽婦之餘婦從者餽胥之餘

受餽訖酬

幣于婦從者用木綿各一端

胥復入脫服婦從者受之婦脫服胥從者受之燭出婦

見舅姑明日婦夙興盛飾俟見舅姑坐於堂上東西相向各置卓於前婦

進立於階階下北向拜拜四舅升奠棗栗盤于卓上舅撫之侍者以入婦

降又拜詣西階下北向拜拜四姑升奠股脩盤棗栗無則用時果姑舉以

授侍者婦降又拜舅姑禮之如醮女之儀若舅姑俱亡則婦見于主昏

尊長如見舅姑之禮無贊但再拜為異婦見家廟三日主人詣香卓之前跪

告曰某之子某若某親某之子某之婦某氏敢見告畢立於香卓東南

西向主婦以婦進立於兩階之間婦再拜乃退若非宗子之子而家廟在別處則婦見在三月

後胥見婦之父母明日胥往見婦之父母婦父迎送揖讓如客禮拜則

跪而扶之婦毋闔門左扉立于門內胥拜拜再于門外次見婦黨諸尊長

如上儀並禮之如常饌品不過五果毋得酬幣于從者○壬申受常幣○戶曹請役船

軍以造軍資監令詳定所議之僉議以啓曰近來土木之功恒役船軍

徒泊空船甚乖養兵之義識者慮焉自今無役船軍專事其事以備不

虞無啓戎心可也且今豐儲軍資兩處並有空庫將百間矣然則可容

數年之稅姑停此役以待後年從之○兵曹啓黃海道癸丑甲寅兩年

由歉流移他道者頗多然臨農刷還則波此失業乞於秋成刷還從之
○三月癸酉朔 上幸東郊觀放鷹○賜祭于正尹智妻○甲戌受常
參視事○知德川郡事安繼仁新昌縣監權守宗辭引見謂繼仁曰平
安道近因備邊民生甚艱汝往撫恤謂守宗曰勸課農桑愛恤民生○
遣仁順府尹金孟誠宣慰使臣于平壤○傳旨義禁府今後擊鼓上言
除匿名書外雖文義不通問指趣以啓毋得壅遏○大司憲李叔時啓
曰運糧於閭延江界必踰我餘嶺道途險阻牛馬多斃故臣爲監司時
每人分授五斗使之輸轉勞甚而事不濟臣思欲水運以除其弊親自
巡視鴨綠江水可通舟楫乃令訴流已輸二千餘石于理山山羊會口
子自山羊會至江界又輸六百餘石乞自今移轉軍需率以此爲常
上曰所啓便益即傳旨平安道監司一依李叔時布置施行或水或陸
無弊之策益思以啓○乙亥日珥○傳旨平安咸吉江原黃海忠清道
監司去歲不稔今當農務方興新舊之間飢饉可慮申勅守令親巡僻
巷務行賑恤○司憲府啓檜巖大慈兩寺旁近京都無識之徒稱爲檀
越往來絡繹盛張佛事士大夫爭慕効之以至世家婦女公然上寺以
干邦憲乞依京山寺杜例發遣書吏無時糾察從之○上輦過營繕處

見一白髮木工憐問汝年幾何對曰過六十 上謂承政院曰曾立六十除役之法何不免此老叟左承旨辛引孫右承旨鄭甲孫左副承旨尹炯同副承旨柳守剛等啓曰木工之任非人人所能不比他工之易得故雖過六十不能例免夫爲近侍者當因 上問將順其美乃反曲辭暗毀成法惜哉○丙子司憲持平崔敬明啓曰去歲凶歉黃海木甚諸道亦多飢饉願遣朝臣檢其賑恤之狀且前日禁酒之令尋後還收大小崇飲糜費甚多京中尚可外方尤不可不禁 上曰太宗之時廷臣每請禁酒 太宗曰禁酒無益豪富得奪禁網貧弱獨罹罪辜及至寡躬果如 太宗之教且爾等之議亦各有異予當更思之○司諫院上疏曰飢饉之灾出於天救災之術存乎人出於天者固不可必存乎人者誠不可緩也比年以來水旱相仍歲未豐稔民之飢饉諸道皆然而殿下每令其道監司守令開倉發粟俾無一夫一婦之飢餓其恤民救荒之政至矣盡矣然人民至衆窮村深巷豈無飢饉愁嘆之民乎況去年平安黃海兩道之失農尤爲甚乎乞依續典賑濟之條簡擇朝官分遣諸道考其賑濟勤慢均否以懲勸之則監司益勵守令益勉而民生亦遂矣豈徒斯民仰俯生生之福哉實爲 殿下保民無疆之休矣

從之○坡原君尹萍親迎淑慎翁主本國親迎自此始○傳旨兵曹令
後門外行幸除織扇以白絹製標旗依古制畫升降龍各一先導駕前
○廣興倉使李士平告身憲府以政曹外署經因外祖母趙禾妻金氏
淫濫素著故也○丁丑 上幸東郊觀放鷹見路傍衲衣小兒賜緜布
二匹○及第趙須進胡三省音註資治通鑑一百卷多有脫落處仍啓
曰詹事李承慶宦遊中國意必賫來散在民間若分遣文臣旁求諸道
可得 上嘉之令乘駟往求餘秩于驪興砥平須受命往來有自得之
色時服母喪入城不下馬為憲府所劾 上命勿問○戊寅 御勤政
殿受朝倭野人亦參○謝恩使申槩副使洪理回自京師○分遣文臣
于諸道購求遺典○戶曹啓各道各官戶籍以田五十結為大戶三十
結以上為中戶十結以上為小戶六結以上為殘戶五結以下為殘殘
戶以為定式差等差役京中五部則以間架為定四十間以上為大戶
三十間以上為中戶十間以上為小戶五間以上為殘戶四間以下為
殘殘戶差等戶籍施行○兵曹啓講武犯軍律者通政以下並皆直絳
獨三軍鎮撫非本曹所屬啓聞科罪有違直斷之法自今鎮撫等所犯
小事隨即直斷從之○己卯受常察視事○遣工曹參制尹璠宣慰使

臣于黃州○平安道都安撫使崔閔德上箋謝賜酒○慣習都監提調
啓今於會禮養老及宴隣國使客並用男樂獨於宴朝廷使臣仍用女
樂恐不可也當革習俗一遵華制不用女樂不允○傳旨司憲府孝寧
大君暫設佛事於檜巖寺予亦知之且無婦女上寺其勿禁之○庚辰
受常參○親傳先蚕祭香祝○以李杭爲嘉靖全義君尹延命嘉靖海
平君黃裕嘉靖懷川君尹巖嘉靖坡平君權恭嘉靖花川君趙啓生議
政府參贊成抑工曹判書文貴中樞院使成達生崇政中樞院使柳殷
之文孝宗並正憲同知中樞院事辛引孫都承旨鄭甲孫左承旨尹何
右承旨李堅基左副承旨柳守剛右副承旨權採同副承旨黃致身僉
知中樞院事李澄玉吉道都節制使○司憲持平崔敬明啓佛事之
禁載諸元典今孝寧大君設佛事於檜巖恐邦憲自此而毀上曰老
寧嘗修檜巖予出內帑米布以助之重修則必有慶讚所司何禁敬明
又啓曰法之不行自上始之不禁此事而禁下民之崇信殆亦難矣
不從○辛巳受常參○司憲府上疏曰伏承教旨孝寧大君於檜巖
寺暫設佛事勿令禁止臣等切惟胡僧順道自符秦而入向高麗摩羅
那陀自晉而到百濟自此而降祝釐禱補事佛求福之說盛行于世無

有紀極恭惟我太祖開國以來聖聖相承深知是道之誕妄但行之已久未可遽革省五教減土田臧獲無度牒而年四十者長髮充軍無帖字入京中者殺還原籍其沙汰僧徒誠千載之未有也然習俗尚且未殄惑於天堂地獄之說畏慕罪福求媚于佛者容或有之而不敢逞肆者畏其法令故也今孝寧大君補以宗室懿親之長躬就佛宇講說法筵以示庶民則人必爭先効慕以近歲之事考之則歲在壬子春漢江之事是其驗也臣等切恐美法不行將自此而始矣伏望殿下亟收其命以勸臣民闢異端之心以杜人民求福事佛之漸國家幸甚不允○賻僉知中樞院事李士信米豆共十五石紙七十卷○頒敦寧府事仍令致仕權弘上書曰樹碑以頌功德垂訓以示後世古今帝王之令典恭惟我主上殿下誕承丕緒制度文爲動法乎古建原廟設宗學崇孝悌重眷舊立箕子之碑制朝廷之樂又纂集古今忠臣孝子烈女之傳以訓萬姓其化民成俗之道捨此書何以哉自三韓以來賢君明主之所未及爲之事也臣愚伏觀盛事不勝感嘆真千一盛際也古者人君一有希世之美則人臣必讚美其德或銘鍾勒鼎或被之管絃以歌詠之是蓋欲使不朽其隆功盛烈之義也此乃唐虞三代都俞

吁咈揖讓雅頌賡歌之所由而作也老臣生於秦養圖報無由謹以管
見敢陳卑抱仰瀆 天聰伏願於原廟宗學各樹碑碣首讚 太祖太
宗累仁積德應天順人而創業垂統垂裕後昆次讚 殿下以天縱之
聖重光繼述而持盈守成治致雍熙民安物阜四方寧一上國有褒嘉
之命隣邦効納款之辭如斯盛德光輝宜當勒碑刻銘垂耀後世傳之
億萬年無疆之休美臣之願也○壬午受常參視事○海州牧使李携
驛 上引見曰黃海道失農民生甚艱體予至懷恤民慎刑○召領議
政黃喜等議曰資治通鑑胡三省音註及源委移咨禮部奏請何如黃
喜等曰書冊非財物之比然 皇帝新登寶位初遣進賀兼請未安待
聖節使赴京奏請未晚成抑等曰已遣進香陳慰登極使則今此遣
使非初遣也書籍奏請於義無妨 上曰黃喜等議爲是然予之欲見
此書至切令赴京副使沈道源購求何如僉曰 上教允當○賜藤次
郎衣服笠靴○兵曹啓濟州牧場監考職負改稱群頭群副其用心牧
養蕃息有効者都安撫使與監牧官錄功以啓千戶百戶隨宜差任其
功績特異者京官叙用牧子有成效者賞以米布從之○司憲府啓判
敦寧李之崇妾子李蔚雖良籍不明亦不可以賤口論計然義安大君

李和子孫非獨李之崇雖是良妾子不宜入忠義衛命下詳定所議之
僉議以啓曰九士大夫嫡長子正妻無子則雖有妾子以同母弟承重
獨於功臣嫡長子無正妻之子者不論同母弟有無以妾子入屬則國
家待功臣之法異於士大夫今李和長子之崇雖無正妻之子李和次
子以下正妻子孫衆多請依司憲府所啓從之○平安道江東人前少
監郭萬興素稱元惡率其子琚罵歐縣令曾經大赦命儲其宅收奪告
身徙置閔延郡又以邑吏環視不救降江東爲三登屬縣○甲申命右
副承旨李堅基賫酒果往迎平安道都安撫使崔閔德于洪濟院○
召左議政仍令致仕孟思誠司僕提調鄭淵兵曹參判皇甫仁議曰初司
僕啓濟州牛馬賊興行牧馬不蕃宜差人刷出徙于會寧閔延以實邊
塞議諸大臣皆曰不可司僕再三啓請爰遣司僕少尹趙順生刷出賊
人海道遭風漂至中國或溺死海中予甚驚駭初不意生弊至此極也
已入平安者已矣其在本州及出在全羅者農前未及移徙彼此失業
何以區處乎予聞馬賊幾至千數無他本州人扭於土風殺自己牛馬
祭而食肉者並皆被刷未知實否皇甫仁曰別遣朝官更覈如有食肉
者連逮悉令還本其正賊內已出全羅者分置所在各官待秋徙於平

安道未出陸者除獮子初犯外餘殺牛馬者令本州守令刷出水爲恒
式鄭淵曰別遣朝官反生搔擾之弊臣初聞濟州地窄民稠生理窮迫
不逞之徒群聚山林盜殺牛馬以資其生土豪多占百姓役使今當刷
出必生厭憚其曰食肉者並被推刷未足信也順生亦豈如此妄刷乎
順生還則可得其實其中已出全羅者置各官其未出者悉付案籍
待秋刷出益思誠曰已出陸者分置下三道仍令恒居未出陸者一依
鄭淵議 上即命兵曹已出陸者分置全羅道各官賑貸存恤仍給閑
曠之地使之土著安居其未出陸者令本州辦覈待秋出陸秋則八九
月春則正二月內出陸分置自願處一依上項存恤安業其中獨子存
留養親且慮已入平安者待以賊人不肯撫恤或致飢餓亦依上項救
濟以厚其生又議曰趙須之父瑚與於不忠之黨未盡推覈死于獄中
太宗閔之追釋其罪須法不延坐有司力請曰庶兄希敏旣犯不忠弟
何獨脫須以此見竄蓋有年矣然尹穆亦不忠之黨也弟向延坐被竄
尋蒙恩宥位至省宰今者令文臣撰集通鑑訓義須進胡三省音註書
雖不完解釋詳盡其於後學嘉惠無窮予嘉須志欲還戩牒仍除官職
何如俞曰趙須延坐庶兄之罪實爲可恨古人云善善長惡惡短 上

教兄當即命吏曹還給職牒須自是得參朝列○遣宜山君南暉宣慰
 使臣于留後司○鶴鵲鳴延秋門城上行解恠祭○咸吉道監司馳報
 吉州以北雪深沒草放野牛馬為半飢死會寧慶源兩邑尤甚新徙之
 民農牛戰馬殆盡故令各官分給稷豆多方刈草喂養且新徙之民未
 得通路令騎雪馬者賫米糧救恤○兵曹啓慶尚右道全羅左道倭寇
 初面防禦最緊之地近年以來昇平日久邊警無虞各浦徭役甚多只
 定守船人常泊空船儻有緩急不及應變實為危急上項兩道各浦所
 定進上及各司貢物他道各官不產之物外並移他道其屯田及燔鹽
 捉魚等事各於附近處為之其餘雜役一皆蠲免常如見敵以備不虞
 從之○乙酉禮曹啓親祭山陵若非經宿處請依宗廟例除望陵祭○
 遣司宰監正卞孝文問禮於使臣授御札事目一高麗偽朝時明使持
 詔命而來其王欲親上香明使曰王無親上香之義是以我太祖太
 宗迎詔之時皆不親上香予等誥命亦不親上香厥後受仁宗即位詔
 今上封太子詔予親上香一依藩國禮儀也今使臣亦曰不必親上香
 以此觀之高麗時明使之言必有所據今依故事不親上香何如一藩
 國禮儀迎詔則朝服受賜時則時服使臣亦曰迎詔大事受勅小事今

之行禮迎詔禮畢使臣入歇予入幕次百官出勤政門改著時服還入
庭使臣來後行受勅禮何如曰冕而行叩頭禮甚不便也顙去地三四
寸許使臣見之心笑也改著時服則無此慮也如曰改著不可也仍朝
服而受勅可則除叩頭而只行俯伏興可也且藩國儀亦無叩頭禮一
我太祖見明使必先行問上禮實錄具載其事本朝六典亦載外臣問
上之禮今使臣亦言問上禮今權行此禮乎蕃圖儀所無不行此禮乎
○丙戌親祭于健元陵上欲遂親祭獻陵以兩停之命開城君李登
代行○兵曹啓忠清道失農人內補充軍及京役人待兩麥成熟立番
早穀未熟前船軍則分四番陸軍分六番從之○傳旨兵曹今後親祭
山陵紅陽織停於晝停所○丁亥問禮官卞孝文來復命啓曰臣見使
臣以事目逐一問之使臣皆以爲可至問上禮節次使臣答曰此中朝
親王所行之禮本國前此不爲則不可行也臣又問詔書開讀時用華
音乎正使曰只要 陛下與群臣知會吾等已知之矣宜以鄉音讀之
○先是與大臣議曰今迎詔勅綵棚攤禮何以為之或言 帝初崩
未赴山陵鳴鐘鼓結綵棚不合事宜乞依乙巳年例除結綵棚或言使
臣以吉事而來况中國與本國已過二十七日去函即吉宜設綵棚難

禮上曰審知使臣到平壤聽樂與否然後定也至是孝文來啓平壤黃州聽樂之事乃令結綵棚設儺禮以迎○戊子御勤政殿受朝○咸吉道監司報曰今童九察李將家等將移婆猪江欲令幹朶里等舉樵以隨造爲浮言曰朝鮮欲捕汝等須從我徙幹朶里等頗皆信之今若都節制使領衆而到則恐彼人等自相驚惑並皆移居且以新徙人民供億之弊亦不小矣况今欲移婆猪江者十三戶其欲留者衆多都節制使姑駐綠野歧以爲聲挫從之○己丑受常參視事○領議政黃喜工曹判書成抑往迎使臣于碧蹄驛○庚寅上幸慕華館具冕服群臣服朝服迎詔勅至景福宮宣詔曰我國家膺天明命統理華夏奄旬萬姓于茲七十餘年仰惟 祖宗肇造之功守成之道規模弘遠光昭萬歲惟我 皇考皇帝以至仁大德統承之率循憲章恢弘政化方期國家永底雍熙不幸於今年正月初三日皇考實天命眇躬嗣承大統而親王文武群臣及耆老軍民累表勸進朕於初十日即皇帝位已恭上皇考尊謚憲天崇道英明神聖欽文昭武寬仁純孝章皇帝廟號宣宗以明年爲正統元年大赦天下咸與惟新茲詔示想宜知悉宣讀訖上就幄次釋冕服群臣釋朝服以時服受勅曰朕初嗣大寶嘉與天

下安於清靜王國朝貢一循常制九前勅旨所需入口及一應之物悉皆
停罷王其體朕至意又勅令遣郎中李約負外郎李儀賚詔勅諭王并賜
王綵幣王其領之故勅頒賜國王紵絲織金宵背麒麟紅一匹織金宵背
麒麟綠一匹織金宵背白獐紅一匹織金宵背白獐青一匹暗花紅一匹
暗花青一匹暗花綠一匹素紅二匹素綠一匹綵絹紅四匹藍三匹綠三
匹粧花絨錦紅一段青二段綠一段王如紵絲織金宵背麒麟紅一匹織
金宵背麒麟綠一匹暗花青一匹綠一匹素藍一匹素青一匹綵絹紅二匹
綠二匹粧花絨錦紅一段綠一段覽訖行禮如儀 上陞殿東向與使臣
相對再拜行茶禮送于勤政門內群臣分司隨便臣請大平館行禮 上
率群臣幸大平館設下馬宴宴罷兩使臣送至中門 上乃還宮命都承
旨辛引孫僉知中樞院事金乙玄等贈衣一襲及笠靴于兩使臣仍賜
目衣靴○辛卯都承旨辛引孫問安于兩使臣領議政黃喜亦進問安○
上幸大平館設翌日宴○壬辰受常參○使臣將謁文廟令繕工監修葺
成均館○是夜王子生母後宮金氏即寧海君璋也○賻前都承旨安崇
善母紙一百卷及棺槨○兩使臣進各色段子十一匹紗一匹生絹十二
匹○癸巳節日使金益精回自京師○以藝文提學鄭麟趾假大司成集

賢殿副提學金墩安止等假司成修撰金汶爲注薄蓋備使臣講論製述也○以內需所采八十石賜故教授官林棲筠妻裴氏○甲午受常參○晉州道購求遺典官魚孝瞻進別侍衛崔河家莊胡三省音註資治通鑑自一百九十二卷至二百六十卷 上覽而喜之○乙未受常參○知谷山郡事金貌辭 上引見曰本道凶歉民生艱苦徃盡乃職恤氏慎刑○兩使臣詣文廟謁聖將自東門入問通事曰 殿下從何門入乎答曰入自中門使臣避中門由南俠門入使臣行禮謂通事曰有聖像乎答曰有神位牌兩使臣就讀碑文曰撰文寫字俱好聖人既遠朝鮮一遵聖教正同中國之風也使臣至明倫堂假大司成鄭麟趾等行再拜禮使臣俱答拜學生亦行再拜使臣亦答拜使臣北壁館伴東曉大司成西壁行茶禮使臣問學生受廩乎答曰置養賢庫以供朝夕又問曰春秋上丁行釋奠乎答曰春秋上丁行釋奠朔望行奠謁禮使臣曰 殿下親行乎答曰視學則親行其餘釋奠則遣官行之○丙申請兩使臣設溫斟宴于勤政殿○李滿住管下馬右其率母及兒女共四人來投欲留京侍衛許之仍給家舍衣纏朔料○丁酉遣戶曹參判沈道源賀 上大行皇帝尊謚表曰嗣承寶位克敦孝治之心祇奉先猷備舉追崇之典光垂竹帛慶洽華夏欽

惟道合乾行明同禹照繼志述事仁普霑於庶邦持盈守成禮悉遵於
三代惟茲十七字之徽號實爲千萬世之罕聞伏念臣猥以庸資欣逢
盛際邈居東土雖未覩於縟儀願望北辰竊倍輸於賀懇方物表曰冊
奉鴻名誕揚縟典情深燕賀聊效卑忱謹備黃細苧布白細苧布黑細
麻布各二十匹黃花席滿花席雜彩花席各一十張人參一百觔右件
物等產自荒陬製匪良匠豈足充旅庭之實祇以奉執壤之儀遣同知中
樞院事尹得洪賀冊 太皇太后表曰聖人承運正寶位以臨軒太
母居尊舉縟儀而崇黼慶線 宗杜喜溢堪輿欽惟文思協堯聰明齊
舜備物盡禮隆至孝於兩宮發冊揚徽衍鴻名於萬世皇圖益鞏景命維
新伏念臣幸際昌辰獲聞盛事迹縻海甸阻參趨賀之班目極雲霄倍
彈頌禱之懇賀冊 皇太后表曰至仁永錫帝業益隆縟禮備成慈儀
增重勸均普率瑞靄堪輿欽惟天縱聰明日躋聖敬承顏順色奉長樂
以怡愉檢玉沉金薦徽名之煥赫爰典旣舉頌聲惟同伏念臣猥以庸
資幸逢昭代受王母之介福願法義經拜天子之萬年竊賡周雅 太
皇太后皇太后進獻禮物並白細苧布紅細苧布黑細麻布各二十四
滿花席一十張雜彩花席黃花席各六張遣花川君權恭謝賜綵幣表

曰一人繼統克篤懷柔萬里霑恩祇增感激佩銘無已糜粉難酬伏念
臣邈處荒陬惟勤候度累朝述職願無補於絲毫嗣聖膺圖遽加榮於
筐篚煥乎綸音之密勿粲然宮錦之氤氳至使臣妻亦蒙睿澤洪私若
此前昔所稀茲蓋伏遇量擴包容心敦愛育體先帝博施之意諒微臣
嚮化之誠遂令弊封獲荷殊寵臣謹當夙興夜寐常存挾纊之情地以
天長倍切享年之祝方物表曰天眷悉深特蒙厚渥土宜雖薄聊表謝
慨謹備白細苧布五十匹黑細麻布一百五十五匹黃花席滿花席雜彩
花席各二十張人參二百劬雜色馬二十四匹右件物等產自荒陬製匪
良直豈足充及物之享聊以表獻芹之誠 上率群臣拜表如儀○贈
使臣人參及蜜因其請也○錄因放輕繫三十一人○前司正洪仁已
等言埋鑄未經四朔化魚荷花絲與三綠矣令戶曹給鑄末一千八
斤以試之○戊戌御勤政殿受朝野人亦然○吏曹啓水站判官不考
功績並皆周年迺差未便乞依程驛察訪例二周而遞從之○慶尚道
右道處置使柳江進青琅玕二枚○己亥以尹季童正憲鈴平君鄭欽
之咸吉道都觀察使申槩刑曹判書李孟昉吏曹判書金宗瑞咸吉道
兵馬都節制使田興判漢城府事李澄玉判會寧府事○傳旨咸吉道

監司金宗瑞曰都節制使李澄玉移判會寧都護府事河漢移寧北鎮
僉節制使卿移都節制使寧北鎮僉節制使趙石岡拜上護軍仍爲都
節制使都鎮撫如有事變以備任用凡防禦布置與新舊觀察使同議
施行○幸東郊觀放鷹○進獻使通事高用智回自北京言本國入朝
宦者李忠金復金角等領處女從婢及執饌婢出來○庚子受常參視
事 上曰平安道守禦非姑息之計乃萬世永久之計也今者欲以他
道人物入居然遷民重事不可不謹宜如之何左議政崔閔德啓曰江
界閭延等十餘州土田多猶可移他道人物以居之然強民以遷則民
或生怨 上曰予當熟議施行卿亦熟議以啓閔德陳平安弊事其一
軍官廩薄其一軍器不精其一土官非人 上曰如此弊事宜亟啓達
何至今日閔德曰臣老鈍每事遺忘故也閔德又啓曰自古安危相乘
今日雖安焉知後日之危乎深溝高壘守禦以固則萬世無慮矣○知
泰川郡事玄孟淡辭引見曰本道凶歉體予至意愛民慎刑○召領議
政黃喜等議曰今朝廷遣內史回送處女從婢及執饌婢在昔使臣之來
但遣三處宣慰五處宣慰自黃儼始其韓確毋及崔得霏賜祭欽差官
金滿土賢出來亦遣三處宣慰今依此例只遣三處何如僉曰除安州

留後司宣慰爲可從之○傳旨各同監司近年以來連歲不稔民食不
裕予甚軫慮大抵水旱之變非人力所及今當農事方興凡其人力可
及務農之事不可稽緩各官守令盡心勸課減省繇役穀種趁時分給
使耕耘不失其時專務農業以遂其生○賜祭于牟留後金自知○平
安道都節制使報李滿住管下千戶童味應哈男婦共十名到滿浦口
子告曰願居朝鮮仍云李滿住從虎狼衛時云來四月十日當領兵往
侵朝鮮兵曹啓曰童味應哈妻子留於農事稍斂各官童味應哈等依
他例上送其李滿住等作賊事未可的知虛實然沿邊防禦不可虛疎
於要害處差定壯實人使之望候令江邊農民晝則耕種夜則入保從
之○禮賓注簿申士廉告身司憲府待滿五十日暑經乃內贍注簿時
竊清蜜三斗給妾妓且外祖母有淫行故也○辛丑木星大微西犯上
將隔一尺○命都承旨辛引孫僉知中樞院事金乙玄等各贈回俸麻
布三十六匹彩花席四張石燈盞二事于兩使臣使臣受之曰前日既
賜衣服筵靴今又多贈好物感謝○迎接都監判官金自怡啓曰使臣
登樓賦詩欲書板上又請粧軸近日唱和詩從之○傳旨兵曹平安道
地連野人鼠竊狗盜無歲無之所可恃者但有限帶長江之險備禦之

所固所當急然公邊各官山川阻僻人物鮮少本無土著之軍如有緩
急徵兵南道往來勞擾應變稽遲以致失機其於備邊制敵之道實爲
疏闊稽之於古選募強壯以實邊疆爲土兵謂之鄉弓手寇來則戰敵
退則耕且備諳山川形勢應赴無滯故又謂之熟戶其便捷驍勇冠於
諸軍歷代賴之俱有顯效今欲倣此徙民入居因作鄉兵誠爲切務但
以動民遷徙之重或有難之者其意亦善然即今隣寇構釁無時抄略
實因封疆之不固也徵兵遠赴其弊亦巨予竊思之若計一時遷徙之
勞因仍不就則將爲無窮之患權其緩急輕重瞭然縱不能一時盡遷
當漸次移徙期至蕃盛豈無其術其量閑田之廣狹計軍丁之多少徙
民實邊以紓北顧之憂永保邊疆之策詳悉磨勘以聞○領議政府事
黃喜上箋辭職曰所欲必從惟聖人之大度不能者止乃微臣之至懷
敢陳悃悞之誠仰瀆高明之鑑伏念臣性質樸陋學術荒疎謬蒙 太
宗之簡知獲與群賢而混進未有涓埃之補徒切夙夜之勤福過災生
事乖罪及甘心數載幸保全於窮村豈意一朝復收用於盛代恭惟
聖上乾坤其量父母之仁特念舊物於衆謗之中擢置無狀於具瞻之
長縱至糜粉而難報敢以盛滿而遽辭因循迄今龜勉從事耳聾而眼

亦暗聽察維艱腰痛而脚不隨步趨輒躓蓋因元氣之衰颯遂致百疾之侵陵况臣初度之辰已滿七旬之歲老而致仕國有常規病而求閑情非虛飾伏望憐臣年迫於遲暮諒臣誠出於深衷決戮俞育許免職位臣謹當優游聖澤少延性命於餘生恒祝遐齡仰荅生成之洪造上不允批荅曰克艱殿后所賴輔弼之賢圖任舊人豈宜去就之易惟卿德基完厚識局沉深善終大事明習憲章適際會於昌期夙遭逢於昭考早膺喉舌之職旋置股肱之司蔚為邦家之光寅亮三事展也經綸之器允登百工予以眇躬續承丕緒淵冰以惕夙夜惟寅要當專任大臣庶歲克篤前烈顧諸公之衮衮漸至星稀唯一老之堂堂巋然山立揆時之望捨公其誰茲冠位於公台用表儀於臣庶謀猷告后方深眷倚之精明括保身遽露燕閑之請昔者召公方叔元老而在官汲黯相如多病而治事况卿年未及於耄耄病非至於纏線氣力猶強可秉鈞衡之位疾疢如作當加藥石之治縱非虛飾而等閑豈拘常規以致任卿之自謀則善矣予之所倚者何歟庶抑謙懷速踐職位益贊寡德永圖持守之方勉思古人毋有退休之志所辭宜不允

(B)
732.55
4724
[v.4]
no.21
0163679

昭和五年九月十五日印刷
昭和五年九月二十日發行

(景李朝實錄太白山本)

京城帝國大學法文學部

京城府蓬萊町三丁目六十二番地

印刷所 朝鮮印刷株式會社

(B)
732.55
4724
[v.4]
no.21